



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

UC-NRLF




\$B 291 170

B. A. Nauta
Specimen exhibens
Senecae librum
de providentia.

4. 2 1025.





THE UNIVERSITY OF CHICAGO

LIBRARY

1911

THE UNIVERSITY OF CHICAGO

LIBRARY

1911

THE UNIVERSITY OF CHICAGO


***SPECIMEN LITERARIUM
INAUGURALE,***

EXHIBENS

SENECAE LIBRUM

**DE PROVIDENTIA, SIVE QUARE BONIS
VIRIS MALA ACCIDANT, CUM SIT
PROVIDENTIA,**

VARIETATE LECTIONIS INSTRUCTUM.



**SPECIMEN LITERARIUM
INAUGURALE,
EXHIBENS
SENECAE LIBRUM
DE PROVIDENTIA,**

**SIVE
QUARE BONIS VIRIS MALA ACCIDANT
CUM SIT PROVIDENTIA,
VARIETATE LECTIONIS INSTRUCTUM,**

**QUOD,
ANNUENTE SUMMO NUMINE,
EX AUCTORITATE RECTORIS MAGNIFICI
GERARDI SANDIFORT,**

MED. DOCT.

MEDICINAE, ANATOM. ET PHYSIOL. PROF. ORDIN.,

NEC NON

AMPLISSIMI SENATUS ACADEMICI CONSENSU,

ET

**NOBILISSIMAE FACULTATIS PHILOSOPHIAE
THEORETICAE ET LITERARUM HU-
MANIORUM DECRETO,**

**PRO GRADU DOCTORATUS,
SUMMISQUE IN PHILOSOPHIA THEORETICA ET
LITERIS HUMANIORIBUS HONORIBUS**

AC PRIVILEGIIS,

**IN ACADEMIA LUGDUNO-BATAVA,
SAECULARIBUS ACADEMIAE CONCELEBRANDIS,
MORE MAJORUM CONSEQUENDIS,**

**PUBLICO AC SOLENNI EXAMINI SUBMITTIT
BAVIUS ANTONIUS NAUTA,**

LEOVARDIA — FRISIUS.

Ad diem IV. Februarii MDCCCXXV. Hora XII—I.

IN AUDITORIO MAJORI.

**LUGDUNI BATAVORUM
APUD HAAK ET SOCIOS,
MDCCCXXV.**

TO WHOM IT MAY CONCERN

I, the undersigned, do hereby certify that

the within and foregoing is a true and correct copy of the

original as the same appears in the records of the

County of _____ State of _____

in and to which said records are duly filed

for the purpose of

giving notice to all persons concerned

that the same are on file in the

office of the undersigned

UNIV. OF
CALIFORNIA

PA
6675
A1

VIRO PLURIMUM VENERANDO

N3

HERMANNOMANGER,

1825
MAIN

VERBI DIVINI APUD HARLEMENSES MINISTRO,
AVUNCULO CARISSIMO, AESTIMATISSIMO,

ET

VIRO GRAVISSIMO, CONSULTISSIMO

JANO DOMINICO WIERDSMA,

J. U. D., CIVITATIS LEOVARDIENSIS MAGISTRATUI,
AFFINI DILECTISSIMO

Hoc Specimen Literarium

D. D. D.

AUCTOR,

500512

W. H. B. J.
ALPHABETICAL



P R A E F A T I O.

Si de veterum, qui Romae et in Graecia floruerunt, philosophorum excellentia quaerimus, haud sciam an principibus annumerandus sit L. Annaeus Seneca. De quo viro sic Plutarchus (1) iudicavit, Graecos quem in moralibus cum eo compa-

ra-

(1) In his quidem Plutarchi, quae nunc habemus, haec non inveniuntur; sed Petrarcha, qui et alios libros hodie deperditos, ut Ciceronis *de gloria* vidit, Plutarchum ita confessum esse scribit in *Epist. contra Gallum*; unde Lipsius attulit.

rarent, habuisse neminem. Et profecto libros ejus si evolvimus, pleni ubique sunt sententiis pulcherrimis, sublimibus, mirum redolentibus virtutis ac sapientiae studium. Quam egregia sunt, quae de Diis scribit! „Dii,” inquit, „omnium rerum optimi auctores: „qui beneficia ignorantibus dare incipiunt, ingratis „perseverant.” *de Benef. l. 7. c. 31.* In quo licet *Deos* memoret, sive quod populo scribens popularem opinionem sequeretur, sive quod soli et lunae ceterisque sideribus divina tribueret naturam (2), e multis tamen locis apparet, Senecam unum Deum ceteris omnibus longe superiorem agnovisse, „custodem rectoremque universi, animum ac spiritum, mundani hujus operis dominum et artificem,” ut scribit *Nat. Quaest. l. 2. c. 45.* Is, ut ait *ibid. l. 1. Praef. §. 13*, „totus ratio est.” Praeclare quoque sensit de summo bono, non in rebus externis positum id iudicans, sed in animo sapientis, pio, forti, nec fortunae tela, nec mortis adventum reformidanti (3). Mortis enim meditationem

(2) Colligitur hoc e *cap. ejusd. §. 2*, ubi dicit homines esse, qui solem quidvis potius quam deum appellarent, add. *ibid. l. 6. c. 23.* et *Epist. 73. §. 6.* Similiter Plato in *Epinomide*, p. 490. propter pulcherrimum ordinem cunctarum animarum eas esse statuerat. Cf. *Cicero de Nat. Deor. l. 2. c. 15, 16.*

(3) Vid. imprimis *Epist. 31, 41, 115.*

nem cum Socrate et Cicerone (4) praecipuum faciebat philosophiae munus, quia de re loca passim sunt eximia, veluti *Epist.* 30. §. 3: „ Magna res „ est haec, Lucili, et diu discenda, quum adveniat „ hora illa inevitabilis, aequo animo abire.” Atque omnino de rebus Divinis hominumque bonorum cum Deo necessitudine, ad quem post hanc vitam redituri essent, ita disserit, ut non mirum videntur, fuisse (5) qui sapientiam hanc e sanctissimis Christianae doctrinae fontibus haustam esse crederent: a quibus tamen merito dissentire mihi videntur Erasmus *Praef. Op. Senecae*, Modius *Novantiq. Lection.*, *Epist.* 21., et Clar. Wytttenb. *Disput. Stalp. de Unitate Dei*, p. 33. sqq., *Bibl. Crit. vii* 2. p. 118.

Magnam igitur Senecae scripta commendationem ha-

(4) *Plat. Phaed.* p. 13, 19. ibique Wytttenb. *Cic. de Senect.* c. 20.

(5) In his Bruckerus, qui tamen aliam atque aliam viam ingressus ostendere studuit, Senecam, Epictetum et Antoninum Caesarem, quo majorem suae philosophiae auctoritatem conciliarent, aliquas et sententias et verba Christianis sublegisse. Vld. ejus *Miscell. Hist. Philos. Lit. Crit. Observ.* 9. *de Stoicis subdolis Christianorum imitatoribus*. Quae sententia si vera sit, simili modo Seneca sumserit quaedam a Christianis, quo sumsit ab Epicuro; qua de re scribit *Epist.* 2. §. 4. „ soleo enim et „ in aliena castra transire, non tanquam transfuga, sed „ tanquam explorator”: nisi quod Epicurum nominaret, illos ut homines *ἰδιώτας* et *ἀφιλοσόφους* taceret.

habent a rerum, quae in iis tractantur, gravitate atque utilitate, eoque majorem, quod non scripsisse tantum illa, sed sensisse videtur, idque egisse, ut vita cum sermone concordaret, quam propositi sui summam dicit *Epist.* 75. §. 2. (6). Fuere quidem, inter quos Dio Cassius (7), qui luxuriae Senecam avaritiaeque accusarent, sed ea crimina post Lipsium refellit nuper Reinhardtus in libello de *L. Annaei Senecae vita atque scriptis*, Jenae 1816. Is ibid. vitia, quae in ejus dicendi genere (8) culpari solent, excusanda esse monuit partim temporum, quibus vixit, conditione, partim Stoicae, quam secutus est, philosophiae studio, contraque multis ejus scripta virtutibus excellere.

Quarum virtutum tanta me cepit admiratio, ut cum conficiendi speciminis Academici tempus adveniret, jamque unum itemque alterum argumentum, cui materiem colligere coeperam, ab aliis esset occupatum, tandem aliquem e Senecae libris minoribus edere in apimum induxerim. Prae ceteris arsisit parvus ille, sed aureus liber, qui inscribitur

de

(6) Cf. *Epist.* 24. §. 18: „Turpe est aliud loqui, aliud sentire: quanto turpius, aliud scribere, aliud sentire?”

(7) Etiam Comes Oxenstiern *Pensées* p. 158 sq. satis acerbè de Seneca judicat.

(8) Eloquentiae quidem curam quo loco censuerit, ipse „declarat *Epist.* 40. §. 11: „Fabianus vir egregius et vita et scientia, et quod post illa est, eloquentia quoque.”

de Providentia sive quare bonis viris mala accidunt, cum sit Providentia. De quo cum Aestimatissimum Praeceptorem Virum Clar. Peerlkampium consuluissem, is probavit consilium, eamque rationem ut sequerer, auctor fuit, ut infra textum, quem vocant, breviter indicata varietate lectionis et locorum difficilium quis videretur esse sensus, deinde annotationem adjicerem, in quam cetera, si qua invenissem, huc pertinentia conferrentur. Duplicis hujus operae priorem tantum partem, eamque summa cum festinatione conficere temporis me angustiae coegerunt, ortae illae ex festa solennique opportunitate, qua Doctoris gradum accepturus sum. Quapropter annotationem illam, si Deus obsecundet, posthac editurus, nunc quidem parvulum hoc juvenilis operae specimen aequis indulgentibusque legentium animis commendo.

Senecae librum sua spero praestantia commendabit; quae quo facilius intelligatur, pauca de illo universe praefanda esse duxi. Agit *de Providentia sive quare bonis viris mala accidunt, cum sit Providentia*. Sic enim cum Lipsio et Ruhkopfio titulum (9) constituamus, qui alibi aliter legitur.

Vi-

(9) Duplici nomine saepe veteres opera sua inscripserunt, ut Cicero *Brutum, sive de Claris]oratoribus*, ipse Seneca *de Constantia sapientis, sive quod in sapientem non cadit injuria*.

Vidi in Bibliotheca Leidensi veterem editionem Senecae impressam Tarvisii per Bernardum de Colonia A. 1478 (10) quae sic habebat: *De mundi gubernatione divina providentia. Et quater multa mala bonis viris accidunt.* Henr. Stephanus *Prooepoia ad lect. Sen. p. 217.* librum appellat „ De divina providentia, vel potius absque adjectione, De providentia (quem alii inscribunt, quare bonis viris mala accidunt, quum sit providentia.” Intelligi puto Muretum, qui *Orat. vol. 2. erat. 3.* scribit: „ constat, veram illius (commentarioli) inscriptionem non esse eam, quae vulgo recepta est, quam ego tamen, ne omnia novare dicerer, retinui, *De providentia*, sed *quare bonis viris mala accidunt, cum sit providentia* (11), ut constat ex Lactantio in libro de ira Dei.” Lactantii locum (V, 22. p. 495 *Heumanni*) R u h k o p f i u s attulit, qui quod egregiam huius libelli commendationem continet, hic etiam apponendus visus est: „ Si quis autem volet scire plenius, cur
„ ma-

(10) Videtur haec esse illa editio Tarvisina, de qua laudantur ab Harlesio Denis *Memorab. Bibl. Garell. p. 69. et Gemeiner libris rarior. in Bibl. Ratisben. p. 50.* Memoratur etiam a Fabricio *Bibl. Lat. Tom. II. p. 210. ed. Ern.*

(11) Hanc inscriptionem solam edidit Andr. Schottus: eandem probavit Fabric. *l. l. p. 204.*

„ malos et injustos Deus potentes, beatos et divi-
 „ tes fieri sinat, pios contra humiles, miseros, ino-
 „ pes esse patiatur; sumat eum Seneca e librum, cui
 „ titulus est: quare bonis viris multa mala accidunt,
 „ quum sit providentia; in quo ille multa, non pla-
 „ ne imperitia seculari, sed sapienter ac paene divini-
 „ tus locutus est.”

Argumentum e gravissimis esse, nemo facile
 negaverit. Non est quod miremur homines an-
 tiquis temporibus, quando viderent pietatis et vir-
 tutis amantissimos non modo communibus hujus
 vitae aerumnis non exemptos, sed gravioribus saepe
 quam ceteros calamitatibus premi, mortales igitur
 hoc videntes in istam opinionis perversitatem inci-
 disse, ut vel Providentiam omnino tollerent, vel bo-
 nitatem ejus et justitiam in dubium vocarent. Hinc
 illa Lucretii: quare, inquit, telum hoc cladium

„ exanimatque indignos inque merentes?”

Nota quoque sunt Ovidii:

„ Cum rapiant mala fata bonos (ignoscite fasso),
 „ Sollicitor nullos esse putare Deos.”

Ne Tacitum quidem ab hoc errore immunem
 praestare cetera virtus potuit, qui *Annal. l. 16. c.*
33. de Cassio quodam Asclepiodoto, qui fidem
 etiam in duris rebus amico servaverat, ita scribit:
 „ exutusque omnibus fortunis, et in exilium ac-
 „ tus; aequitate Deum erga bona malaque docu-

„ men-

„menta (12).” Et ipsum Senecam *de Benef.* l. 7. c. 31. querentem audimus, quod alius Diis objiceret negligentiam nostri, alius iniquitatem.

Ex horum numero fuisse *Lucilium Junio*rem, ex hoc libro, qui ad eum scriptus est, intelligimus. Cui Seneca cum *Epist.* 21. polliceretur, ut Idomeneum ab oblivione vindicassent Epicuri epistolae, ita suis scriptis illius nomen duraturum esse, in eo non vanus fuit augur. Neque enim alibi usquam, ut monuit Ruhk. *praef. tom. 3. ed. Sen.* nisi apud nostrum philosophum Lucilii mentio reperitur, in quem adeo conveniunt haec ejusdem verba in *Praef. tom. 4. p. XIV*: „Plerisque autem
Se-

(12) Lipsius quo Tacitum impietatis culpa liberaret, locum depravatum censuit, quod tamen neque Gronovio, neque Ernestio persuasit, *aequitatem* interpretantibus *indifferenter aliquid ferre, nihil ad id commoveri*, allato loco Ciceronis *Agrar. 1. (c. 5)*. Ceterum qui plura de hoc argumento velit, adeat Minucii Felicis *Octavius p. 40–42. ed. Ouz.* ubi Interpr. ingentem locorum sylvam collegere, quibus addi possit, quippe cum nostro libello in multis conveniens *Theodoresi de Provid. sermo 9, ὅτι οὐκ ἀχαρπὸς τῆς δικαιοσύνης ὁ πόνος*. Vid. etiam *Rev. Montyn Respons. de argum. Teleologico p. 133. sq. in Ann. Acad. Trajett. A. 1822–1823*. Neque possum, quin hoc loco memorem egregiam illam Pricei (*R. Price*) *de Provid. disputationem*, quam cum tribus aliis ejusdem disputationibus ex Anglieo sermone in nostratam versam pro solita sua comitate commodavit mihi Clar. Senex M. Tydeman.

„ Senecae amicis, praesertim iis, quibus libros
 „ suos inscripsit, hoc accidit fatum triste, sed in
 „ tyrannide non mirum, ut et ipsi quasi in illam
 „ tristissimam ruinam, qua innocentissimus Philoso-
 „ phus a Nerone protrudebatur, velut sive nomine
 „ corpora, devoluti ideoque omnia eorum vestigia
 „ ex historia istorum temporum penitus sublata sint.”

E Seneca tamen, qui et sapientissimas illas *Epis-
 tolas et Naturales Quaestiones* ad Lucilium scrip-
 sit, haec discimus, eum procuratoris nomine, quae
 erat equestris nobilitas (13) provinciae Siciliae
 praefuisse (14). Pauperem natum „ in medium
 „ protulerat ingenii vigor, scriptorum elegantia, no-
 „ biles et clarae amicitiae (15).” Et scriptorum qui-
 dem elegantiae monumentum aliquod majus (16),
 exstare credidit Wernsdorffius; carmen enim il-
 lud, *Actna* inscriptum, quod vulgo Cornelio Se-
 vero tribuitur. a Lucilio esse conditum, quem ejus-
 modi opus vel parasse, vel etiam perfecisse loca

quae-

(13) Tac. *Agric. c. 4.* Et Lucillum ad equestrem
 ordinem industria perduxerat. *Epist. 44.*

(14) *Nat. Quaest. L. 4. praef. §. 1, 20 Epist. 31. §. 8.*

(15) *Nat. Quaest. l. c. §. 12, 13. Epist. 19.*

(16) Nam vericuli quidam afferuntur, ut *Epist. 8. §. 8.*

„ Non est tuum, fortuna quod fecit tuum;

et

„ Dari bonum quod potuit, sufferri potest.”

in quibus animum Senecae convenientem agnoscas.

B.

quaedam Senecae indicant (17): neque tamen sententiam hanc Ruhkoppio probavit, qui *Praef. Vol. 2. p. XIV.* Cornelio quidem abjudicandum, non item Lucilio vindicandum censet.

Ceterum hic amicitia floruit Cn. Lentuli Gaetulici, poëtae et historici, occisi a Caligula, postquam decem annos Germaniae praefuerat (18); tum Aebutium Liberalem, ad quem libri *de Beneficiis* scripti sunt, communem et Senecae et Lucilii amicum fuisse significat *Epist. 91 init.* „ Liberalis noster „ nunc tristis est, nuntiato incendio, quo Lugdunensis colonia exusta est.” Inprimis autem eum Seneca familiaritate coluit, maximique fecit; quod indicant epistolae, in quibus non modo frequenter eum ita compellat: „ Lucili virorum optime, Lucili „ carissime,” sed saluberrimis praeceptis instruit, atque de variis rebus consulenti sic rescribit, ut non rescribere, sed tamquam praesenti respondere sibi videretur (19). Lucilius autem, qui „ calcatis popu-
la-

(17) *Epist. 79. init. Nat. Quaest. L. 3. c. 1. c. 26. §. 5.* ubi vid. Ruhk.

(18) *Nat. Quaest. l. 4. praef. §. 13.* ibique Ruhk.

(19) *Epist. 67. §. 2. Cf. Epist. 71. §. 1:* „ Subinde „ me de rebus singulis consulis, oblitus vasto nos mari dividi, quum magna pars consilii sit in tempore, „ necesse est evenire, ut de quibusdam rebus tunc ad „ te perferatur sententia mea, quum jam contraria potior est.”

„laribus bonis,” (*Episs.* 31.) ope philosophiae ad rectam placidamque mentem contemdebatur (20), maxime de quaestionibus cum eo studio conjunctis amici sententiam exquirere solebat. Exemplo sint epistolarum nonnullarum exordia, veluti *Ep.* 72.

„Quod quaeris a me, liquebat mihi, si remeditarer,
 „per se: sed diu non retentavi memoriam meam.
 „itaque non facile me sequitur. Quod evenit libris
 „situ cohaerentibus, hoc evenisse mihi sentio: ex-
 „plicandus est animus, et quaecunque apud illum
 „deposita sunt, subinde excuti debent, ut parata
 „sint, quoties usus exegerit. Ergo hoc in praesen-
 „tia differamus: multum enim operae, multum dili-
 „gentiae poscit.” *Ep.* 88: „De liberalibus studiis
 „quid sentiam, scire desideras.” *Ep.* 89. „Rem
 „utilem desideras, et ad sapientiam properanti uti-
 „que necessariam, dividi philosophiam, et ingens
 „corpus ejus per membra disponi. (§. 2.) Faciam
 „ergo quod exigis, et philosophiam in partes, non
 „in frustra dividam.” *Ep.* 108. „Id, de quo
 „quaeris, ex his est, quae scire tantum eo, ut scias,
 „pertinet. Sed nihilominus quia pertinet et prope-
 „ras,

(20) In quo Seneca magno etiam studio adjuvit, ut scribit *Ep.* 14: „Ego quum vidissem indolem tuam, „injeci manum, exhortatus sum, addidi stimulos, nec „lente ire passus sum, sed subinde excitavi: et nunc „idem facio.”

„ras, nec vis expectare libros, quos cum maxime
 „ordino continentes totam moralem philosophiae
 „partem, statim expediam.” Quae si comparamus
 cum principio libri *de Providentia*: „Quaesisti a me,
 „Lucili, quid ita, si Providentia mundus ageretur,
 „multa bonis viris acciderent mala? Hoc con-
 „modus cet.” magnam convenientiam cernimus, quae
 probabile reddat, hunc librum eodem consilio, quo
 scripsit illas, ut amici desiderio satisfaceret, eodem
 quoque circiter tempore scriptum esse.

De *temporis* enim accurata definitione ut in ple-
 risque Senecae, sic in hoc libro Viri Docti non
 satis inter se consentiunt. Schottus (21) quidem
 in librorum ordine digerendo postquam nono anno
 Claudii, Senecam ab exsilio revocatum esse dixit;
 primumque librum, quem redux scripserit, *ludum*
 fuisse *de morte Claudii*, quippe initio statim im-
 perii Neronis vulgatum, haec addit: „nisi fortasse
 „aliquis libros *de Ira*, *in sapientem non cadere*
 „*injuriam*, et *cum mundus regatur providentia*,
 „*quare multa mala bonis viris accidant*, et *de*
 „*Tranquill. animi* velit huic interstitio temporis;
 „quod ab ejus reditu ad mortem usque Claudii
 „fluxit, tribuere, de quibus tamen, nisi quod post
 Ca-

(21) Töm. 2. ed. Sen. Praefatione vitam Senecae com-
 plexa.

„Cassī caedem editi sunt, nihil liquido affirmare
 ausim.” Qua cum suspicione, quantum ad librum *de*
Providentia, Lipsius ita consentit, ut et aliam
 proferat; in *Argumento* scribens: „Aureus hic li-
 „bellus est, et scriptum post Caligulam video ex Cap.
 „IV. *Ego mirmillonem*, inquit, *sub C. Caesare audiui*
 „*de raritate munerum querentem*. In praeterito loqui-
 „tur, et de homine ac tempore, quod fuit. Puto
 „igitur sub Claudio, statim a reditu; imo quid si haec
 „philosophica quaedam in exsilio? nam diu ibi
 „haesit, annos circiter octo, et juste hoc ele-
 „gerit, sibi solando.” Et huic quidem Viri Magni
 conjecturae quod objici possit, unum aliquid, le-
 viusculum fortasse, liber ipse suggerere mihi visus
 est. Cum enim c. 4. §. 12. quantum consuetudo
 possit in malis leniendis efficere, barbararum natio-
 num exemplo firmat, quae in summa soli coelique
 et victus asperitate non tamen infelices sint, Ger-
 manos affert, „et quidquid circa Istrum vagarum
 „gentium occursat.” Quidni si scripserit haec in
 Corsica, Corsicae potius memoraverit incolas? cujus
 insulae tristitiam ea quidem parte, qua ipse dege-
 bat (22) in *Consol.* ad matrem Helviam inde missa
 c. 6. §. 4. ita refert: „Quid tam nudum inveniri
 sen-

(22) Nam cetera Corsica secundum Diodorum St-
 culum et Plinium fecundior erat. Vid. R u h k. *ad Sen l. l.*

„ potest, quid tam abruptum undique, quam hoc
 „ saxum? quid ad copias respicienti jejunius? quid
 „ ad homines immansuetius? quid ad ipsum loci
 „ situm horribilius? quid ad coeli naturam intem-
 „ peratius? ”

In altera Lipsii sententia possemus acquiescere, sub Claudio statim a reditu scriptum esse, nisi multo tamen probabilius videretur, ultimis ejus vitae annis hunc librum assignare. Suadet hoc et convenientia (23) paulo ante memorata cum Epistolis scriptis sex aut septem annis ante mortem (24) quam A. post Chr. 65 eodemque aetatis suae obiit (25); et mentio majoris illius operis sive *de*

Pro-

(23) Neque tantum exordia conveniunt; sed Epistolas imprimis 59am et nonnullas insequentes quo magis legēbam, eo magis arridebat opinio, scripsisse Senecam eas aut a libro *de Providentia* recentem, aut cum ipsi in manibus esset. Insunt enim iis complura similia, res, imagines, dictiones, quae suis locis indicari poterunt in *Annot.*

(24) Confecit hoc R u h k. ex *Ep.* 91, ubi Lugduni narrans incendium, centesimum ejus coloniae tunc annum fuisse scribit.

(25) Ita Reinhardtus: alii paululum variant, ut Joecherus *Lexico Erud.* qui A. Chr. 65, sed ipsius 62 decessisse tradit, Lipsius qui putat eum, cum moreretur, 63 aut 64 annorum fuisse. Quidquid ejus rei sit, senem quidem se fuisse, cum scriberet *Epistolas*, multis locis eleganter ipse significat, ut *Ep.* 61: „ Ante senec-
 „ tu-

Providentia sive *Moralium*, quae in libelli principio reperitur. Ita enim c. 1. §. 1: „Hoc commodius in contextu operis redderetur, cum praeesse „universis Providentiam probaremus, et interesse „nobis Deum; sed quoniam a toto particulam revelli placet, et unam contradictionem, manente libello integra, solvere; faciam rem non difficilem, causam deorum agam. Supervacuum est in praesentia ostendere, non sine aliquo custode tantum opus stare, nec cet. — (§. 4.) Suo ista tempori reservatur.” Dubitant, quoniam haec referenda sint. Cum enim *Ep.* 106, 108, 109. plane simili ratione Lucilio scribat ea, quae ille quaesivisset, commodius explicari posse libris, quos cum maxime ordinaret, totam moralem philosophiae partem continentes (26), eosdem hic intelligi putat *Ruhkopfius*. Verum quaestio de Providentia nonne potius ad eam philosophiae partem pertinere censenda est, quae de rebus Divinis (27) quam ad moralem, quae de hu-

ma-

„tutem curavi, ut bene viverem; in senectute, ut bene moriar.”

(26) *Ep.* 106, §. 2 ait: „scis enim me moralem philosophiam velle complecti, et omnes ad eam pertinentes quaestiones explicare: et *Ep. seq.* §. 15. appellat moralem philosophiae volumina. Lactandus ex illis fragmenta quaedam servavit.

(27) Stoicos quidem locum de Deo ad physica retulisse docet *Lipz. Physiol. Stoic. l. 2. diss. 3.* Locus autem

moris agit? quas duas pulcherrime inter se com-
 parat *Seneca Quaest. Nat. l. 1. praef. (28)*. „Tan-
 tum,” inquit, „inter duas interest, quantum
 inter Deum et hominem. Altera docet, quid in
 terris agendum sit: altera, quid agatur in coelo.
 Altera errores nostros discutit, et lumen admo-
 vet, quo discernantur ambigua vitae: altera mul-
 to supra hanc caliginem, in qua volutamur, ex-
 cedit, et e tenebris ereptos illo perducit, unde
 lucet. Equidem tunc naturae rerum gratias ago,
 cum illam non ab hac parte video, quae publica
 est, sed cum secretiora ejus intravi: cum disco,
 quae universi materia sit, *quis auctor sit aut*
custos: quid sit Deus: totus in se intendat, an
 ad nos aliquando respiciat,” cet. Videmus hic
 eadem fere memorari, quae in libelli nostri loco
 mo-

tem ille quaestionem de Provid. continebat, ut apparet
 e disputatione Balbi Stoici ap. *Cic. de Nat. D. l. 2. c.*
29. sqq.

(28) R u h k. conferre jubet *Ep. 89*. ubi varias recen-
 sens philosophiae definitiones, tripartitam illam sibi ma-
 xime placere significat (§. 8.) in moralem, naturalem
 et rationalem. Quem locum ita cum nostro concilies,
 ut vel moralem et rationalem ea parte, quae ad homi-
 nes spectat, complexus sit (ita R u h k.) vel rationali par-
 te, quippe minori, quaeque instrumenti tantum loco
 sit, nunc neglecta, de ipsa materia philosophiae gravi-
 ter eleganterque disseruerit.

modo allato dixerat suo tempori reservanda: videmus simul ea morali philosophiae parti opponi. Unde verisimile fit, Senecam illo loco non de *Moralium* libris cogitasse, sed de alio quodam opere, quo quaestio de Deo deque mundi per Deum formatione et gubernatione tractaretur. Quale opus eum in animo habuisse, vestigia quaedam indicant, quae, age, colligamus. In eadem illa *primi libri Nat. Quaest. praef.* §. 14, 15. postquam utile dixit esse cognoscere, „ quantum Deus possit; materiam ipse sibi „ formet, an data utatur, „ similiaque, sic finem facit: „ Sed haec deinde.” Tum *ib. c. 1. § 3.* commemoratis prodigiis quibusdam, „ Dices” inquit, „ mihi: Ergo tu in tantis erroribus es, ut existimes Deos mortium signa praemittere, et quidquam „ esse in terris tam magnum, quod perire mundus „ sciat? Erit aliud isti rei tempus. Videbimus, „ an certus omnium rerum ordo ducatur, et alia aliis „ ita complexa sint, ut quod antecedit, aut causa „ sit sequentium, aut signum. Videbimus, *an Diis „ humana sint curae;* an series ipsa, quid factura „ sit, certis rerum notis nuntiet.” Denique huc referam, quae de fulminibus ait *l. 2. c. 46:* „ At „ quare Jupiter aut ferienda transit, aut innoxia „ ferit? In maiorem me quaestionem vocas, cui „ suus locus, suus dies dandus est.” Videtur igitur tum, cum *Nat. Quaest.* scriberet (scripsit autem

A. Chr. 64. (29) ejusmodi opus sibi proposuisse, post illas absolutas elaborandum; quod tamen ne perficeret, morte prohibitus esse, siquidem in fragmentis, quae multa servarunt e deperditis Senecae scriptis Lactantius, Tertullianus, alii, nullam ejus mentionem fieri videmus.

Quod si haec indicia conjungimus, non modo confirmari videtur sententia Ruhkopffii minime dubitantis, quin saltem sub Nerone (30) libellus noster exaratus sit, verum etiam tempus paulo arctius circumscribendo suspicari liceat, confectionem ejus in sex septemve postremos vitae Senecae annos incidisse. Videtur eos in otio degisse Philosophiae studiis utilibusque libris componendis intentus (31), ab aula, frigescente jam aliquantum Neronis gratia (32) ita re-

(29) Collegit hoc Ruhk. e Pompejorum calamitate narrata L. VI. c. 1.

(30) Fabric. quoque *Bibl. Lat.* p. 105 scriptum esse statuit Imp. Claudio jam defuncto.

(31) Libri quoque *de Otio sapientis, de Brevitate vitae, de vita beata* commodè ad hoc tempus referri posse mihi videntur.

(32) Conjecit hoc Ruhkopff. (*Praef. Tom. 4. p. XI.*) e libris *de Benef.* ubi nusquam Neronis mentionem fecerit, eumque tamquam ingratum erga praeceptorem tetigerit L. III. c. 3. c. 17, L. VI. c. 15. quae conjectura si vera sit, jam paulo prius imminui coepit ille favor; siquidem libri *de Benef.* ante Epistolas scripti sunt, in quarum octogesima prima memorantur.

remotus, ut tamen in gravioribus rebus arcesseretur (33). Posteaquam autem Burrus, quem in regendo consiliis honestis Imperatoris animo socium et adiutorem habuerat, veneno periit, Senecae quoque potentia infracta est. Mox variis criminationibus in invidiam Principi adductus, ex illo praecepto, quod olim Lucilio dederat *Ep.* 14, sapientem nunquam potentium iras provocaturum, immo declinaturum, non aliter quam in navigando procellam, vela contraxit. Itaque „instituta prioris potentiae „commutat: prohibet coetus salutantium: vitat co- „mitantes; rarus per urbem; quasi valetudine infensa, aut sapientiae studiis domi attineretur.” (34) Neque tamen hic secessus optimo viro valde gravis accidere potuit, qui jamdudum a Philosophia didicerat, et Lucilio suo praeceperat (35), vitandam esse turbam, „vitanda, quaecunque vulgo placent, quae „casus attribuit.” Omnino senectutem Senecae non immerito dixeris optimam ejus vitae partem (36): tunc sapientiam, etsi nullo tempore parvi habitam, praecipuo tamen studio coluit, ut et animum curis ac vitiis liberaret, et naturae contemplatione rerum-

que

(33) Tac. *Ann.* L. XIV. c. 7.

(34) Tac. *ib.* c. 52—56. Verba c. 53. „familiaritatem „ejus *magis* aspernante Caesare” jam ante criminationes illas animum Neronis alieniorem a Seneca fuisse indicant.

(35) *Epist.* 7, 8, 10.

(36) Ita quoque Reinhold. *l. l.* p. 40.

que Divinarum pasceret (37), et amicis, posteris denique prodesset.

Quibus autem rationibus in hoc libello Providentiae causam egerit, aptissime videtur in brevi conspectu Lipsius indicasse. Cujus labore (difficilem enim supra quam aliquis credat, hanc argumentorum descriptionem sibi fuisse Vir Magnus in Introductione testatur) ejus igitur labore grati fruamur. „Argumentum” inquit „est, Providentiam esse: nec ob-
 „stare, quod bonis mala quaedam, sed externa,
 „obveniant. Primo igitur universe illam asserit, a
 „mundi motu, ordine, constantia: quae omnia rec-
 „torem clamant. Deinde ad quaesitum proprie, qua-
 „re ergo mala bonis? Ait primo (38) Deum ama-
 „re bonos; nec immittere igitur iis mala. Instar
 „parentis dumtaxat castigare, et cōercere. Deina-
 „de (39) non videri ea mala bonis, nec vinci
 „iis, sed exerceri, et per aspera indurari. Deum
 „velut agonothetam esse, et robustis his athleticis
 „suis delectari. Haec ita communiter, et velut
 „praeparans, ad Cap. III. Ab eo magis distincte
 „quinque rationes, cur eveniant, exsequi pergit.
 „Pri-

(37) Pulcherrimus hac de re locus est *Ep.* 65. §. 15. *sqq.*

(38) Ab his verbis c. 1. §. 5. „In gratiam te reducam” usque ad finem capituli.

(39) *Cap.* 2.

„ Primo pro ipsis esse, quibus accidunt: secundo,
 „ pro universis: tertio, volentibus evenire: quarto
 „ fato et aeterna lege. (40) Primam rationem tractat
 „ Cap. III, IV. docetque pro ipsis esse, sicut me-
 „ dicina pro aegris. Indurantur etiam sic a Deo,
 „ qui se dignos producit in pugnam; alios viliores,
 „ in otio et umbra habet. Secundam tractat Cap.
 „ V. pro omnibus esse, ut viri boni, sic habiti,
 „ clament aliis et ostendant non esse Bona aut
 „ Mala, quae vulgus putet. Ad vera igitur illa
 „ spectent, et illa petant, haec fugiant. Ibidem ter-
 „ tiam (41) nectit, Volentes excipere: nam prae-
 „ bent se Deo et Fato. Quarta (42) excipit, Fa-
 „ tum esse, et ab aeterno constitutum, quid gau-
 „ deas doléasque. Denique repetit (43), mala haec
 „ non esse: et Deum inducit pulcherrime adhor-
 „ tantem, et ad robur excitantem. Stoice in fine,
 „ si piget et ferre taedet, quis tenet? patet janua,
 „ exi.”

An liber hic egregius integer ad nos pervenerit,
 jam

(40) Inseri possit „ quinto nulla vere mala bonis
 „ viris accidere.”

(41) Cap. 5. §. 3. a verbis: „ et volentes quidem.”

(42) Ib. §. 5. ad fin. Cap.

(43) Haec ultimo Cap. continentur Pro *repetit* autem
 equidem malim *ostendit*; eam enim rationem nondum,
 ut videtur, exposuerat.

jam videndum. Sunt enim, qui negent, magnae auctoritatis Viri. Siquidem ad c. 3 §. 1. ubi scriptor disserendi ordinem proponens enumeratis quatuor partibus ita pergit „persuadebo inde tibi, ne un-
 „quam boni viri miserearis, potest enim miser di-
 „ci, non potest esse „ad eum igitur locum Lipsius παρανομαστικῶς, ut solebat: „Haec pars
 „in fine deest, temporum injuria, non scriptoris
 „incuria.” In eandem fere sententiam Ruhkopfius ad eum locum annotavit. Fabricius quoque, sed dubitanti-
 „us, *Bibl. Lat.* p. 105: „De
 „Providentia liber, extrema, ut videtur, parte mu-
 „tilus.” Rationes, quibus hic in eam sententiam adductus sit, cum ipse non significaverit, ignoramus; quamquam suspicari licet, eandem ei, quam illis, causam fuisse, quod e quinque partibus propositis una praetermissa videretur. Et difficile quidem est a Virorum Doctissimorum sententia discere; sed tamen haud sciam, an afferri quaedam possint, quibus integrum esse librum ostendatur. Divisionem illam paulo diligentius consideremus. Capitis initio dixerat: „Sed jam procedente oratione ostendam, quam non sint, quae videntur, mala.” Jam quatuor interjectis, quae prius tractanda forent, idem illud mutatis verbis repetit: „persuadebo
 „inde tibi, ne unquam boni” cet. Hoc ipsum autem, ea, quae mala bonis viris accidere dicerentur, non esse
 vere

vere mala c. 6. sic ostendit: mala esse „ scelera
 „ et flagitia et cogitationes improbas, et avida con-
 „ silia, et libidinem caecam, et alieno imminuentem
 „ avaritiam;” haec autem omnia Deum a viris bo-
 nis removisse; ceterum divitiarum et filiorum amis-
 sionem, exsilium, necem non esse mala, quippe quae
 viri boni aliquando sibi ipsi consciscant. Reliqua de
 hoc argumento Deum pulchre persequentem inducit.
 Quae ipsa prosopopoeiae gravitas et insurgens ora-
 tionis spiritus libro ad exitum vergenti optime
 congruere videtur. Neque obstat brevior et quasi
 abrupta, qua finem facit, sententia: „ quod tam
 „ cito fit, timetis diu?” Ejusmodi enim breviter
 dictis libros claudere nonnunquam Senecae placuit.
 Exempla petamus e *Nat. Quaestionum* opere paulo
 post exarato, cujus liber secundus ita finitur: „ Ne-
 „ mo unquam fulmen timuit, nisi qui effugit:” ter-
 tius in haec verba desinit: „ etiam sine magistro
 „ vitia discuntur.”

Superest, ut quaenam ad Senecae textum recog-
 noscendum subsidia mihi fuerint, paucis exponam.
 Praeter editiones Andr. Schotti, A. 1604, Lip-
 sii, A. 1652 (44), J. F. Gronovii, A. 1658 et
 no-

(44) Hanc ceteris editionibus quatuor a Lipsio cura-
 tis (1605, 1614, 1632, 1637) esse meliorem et raram
 scribit Harles *Brev. Not. Literat. Rom. p.* 327.

novissimam Ruhkopfii, A. 1797, duobus uti contigit Codicibus MStis, humanitate Viri Doctissimi Geel Bibliothecae Praefecti concessis. Horum alter est membranaceus, nitidissime scriptus, haec in fronte gerens: „Ex Bibliotheca unigeniti filii „Johannis, J. Ut. D. Bibliothecae Lugduno Batavae donavit, Vir Clar. Franciscus Fabritius „Theologiae Prof. pater moerens.” Continentur eo 1 *Epistolae*. Ordo aliquantum immutatus est, v. c. quae solet in editionibus esse 87. postremum in Cod. locum tenet.

2. *De remediis fortuitorum*. Liber spurius esse creditur. Idem est, qui editioni Lipsianae subjunctus invenitur hoc titulo: *Excerpta alia*, nisi quod in fine post verba: „Felix est, non qui aliis videtur, sed qui sibi,” Codex haec insuper habet: „Vides autem, quam domi sit ista felicitas.”

3. *Liber primus Seneca de providencia. Cum mundus providencia regatur. Queritur quare multa mala bonis viris accidunt in hoc mundo** (45).

4. *Liber secundus ejusdem de providencia ad Serenum. Quod in sapientem nec injuria nec contumelia cadit**. Alias dici solet *de Constantia sapientis*.

5. *De Ira*.

6. *De Tranquillitate animi*.

7.

(45) Noster libellus est. Iis autem, in quibus ipsa Codicis inscriptio servanda videbatur, asteriscum apposui.

7. *De Beneficiis.*

8. *Sententiae seu Proverbia Senecae**. Alphabeticè digestae sunt ordine. Videntur eadem, quas Fabric. *B. L. Tom II. p. 118.* parum differre dicit a P. Syri mimis sive sententiis.

9. *Additiones ad sententias seu ad proverbia Senecae**. Ductae ex ipsius operibus literarum item ordinem sequuntur.

10. *Versus divi pauli apostoli**. Hexametri sunt, potius dicendi versus de Paulo apostolo; nam ad ejus laudem pertinent.

11. *Prologus epistolarum Senecae ad paulum et pauli ad Senecam**. Hieronymi locus est, quem Lipsius attulit *Edit. p. XXVI.*

12. Ipsae, quae feruntur, Pauli et Senecae epistolae.

13. Librorum de Clementia quantum superest.

14. *De quatuor virtutibus cardinalibus.* Titulus deest: notum est hunc librum suppositiciū haberi.

15. Pars epistolas secundae a verbis „ primum „ argumentum ” ad „ aliquid apprehendo, ” sed admodum turbata.

16. Liber de paupertate, quem Lipsius *Excerptorum* nomine subjecit editioni, Senecae non esse judicans.

17. Iterum epistola secunda, sed ultima parte carens a verbis: „ paupertate bene convenit.”

De Codice, quam antiquus sit, nil certi quod dicam habeo. De orthographia, siquis inde conjecturam temporis ducere velit, haec pauca memorasse sufficiat: solennem in utroque cod. scripturam esse *e* pro *ae*, ut *sepe*, *preesse*, tum *ci* pro *ti*, ut *senciānt*, *ingencia*, *moncium*; *michi* et *nichil* pro *mihl* et *nihl*; *y* pro *i* in his *yemps*, *ymbrem*, *ymagines*, et contra scribi *Olimpia*, *Silla* pro *Sylla*; denique *hii* et *hiis* pro *hi* et *his*; *Oceanus* pro *Oceanus*.

Alter Cod. chartaceus olim in Biblioth. *Varmien-*
si fuit, ut prima pag. legitur; post ad virum Ill. Isaacum Vossium pervenit. Temporis est aequae incerti, minoribus quam alter, literis scriptus, non sine librarii diligentia, ut apparet e variis lectionibus aliisque notulis hic illic ab eadem ut videtur, manu adjectis. Elegantiorum usum particulae *ut* pro *licet* ignorasse tamen videtur, cum *utrum* ei substituerit *de Provid. c. 3 § 3* Quod ad orthographiam, quaedam habet sui propria, v. c. *sinfoniarum*, *triunfalis*, *Cathonem*, quamquam hoc non constanter. Paginae duae priores longe deteriori manu scriptae continent libri *de Paupertate* particulam, et nonnulla de uxore non ducenda sapienti, quae apte referre possis ad librum deperditum *de Matrimonio*, quem Hieronymi auctoritate memorat *Fabric. l. l. p. 123*. Deinde sequuntur:

1. *Seneca de presenctia divina**. Libelli nostri pars est, desinens in verbis (c. 4 § 4) „fortes milites belli triumpho” quemadmodum in hoc MSto legitur. Titulus inde forsitan oriri potuit, quod librarius cum prope ab initio videret: „interesse nobis Deum”, hoc opusculi argumentum esse crediderit.

2. *Epistolae*. Extrema numerum adscriptum habet 127, cum 124 tantum in editionibus exstent.

3. *De Clementia* quantum superest.

4. *De casibus fortuitis**. Idem, qui de *Remedio fortuiti*. Dialogi forma ita servata est, ut singulis, „morieris, aegrotabis” similibusque Gallionis, responsionibus autem Senecae nomen praefixum sit.

5. *De quatuor virtutibus cardinalibus*.

6. *Excerpta ex libris Senecae de Beneficiis**.

7. *Collectio similitudinum, comparisonum et aliquorum exemplorum, quae habentur in epistolis Senecae**. Sic in fine dicitur. Habet ea collectio fortasse nonnullam rei criticae utilitatem, quippe longiores saepe Senecae sententias afferens.

8. *Flores** e libro *de Moribus* et de quatuor *Virtutibus cardinalibus*.

His Codicibus an aliquando Viri Docti usi sint, certis vestigiis deprehendere non potui. Gronov. quidem ad *l. de Provid. c. 3. § 8.* „Viderint, inquit, hoc isti” monuit Pinciani Codices et quatuor Gruteri et Bruxellensem ignorare pron *hoc*,

quod ipsum et a duobus his codl. abest, unde con-
jicere possis alterum in Hispania (vid. p. 23) a Pin-
ciano collatum esse, Bruxellis olim alterum fuisse.
Sed haec valde dubia sunt; illud certius, in utroque
Msto nonnullas inveniri lectiones, neque spernendas,
ut videtur, neque in ulla earum quidem, quas ad-
hibui, editionum memoratas. Editionibus his annu-
merari quoque potest antiqua quaedam et rarior im-
pressa Lipsiae per Arnoldum de Colonia A^o.
1495, e qua potissimam lectionis varietatem nactus
sum excerptam in Mulleriani *de Sallustio* (1)
libelli appendice. Denique Pinciani notas excerpti
ex editione Parisina (2) quae cum notis Mureti,
Fabri aliorumque multorum exiit ap. Perier A^o. 1607.

His subsidiis instructus cum ad Annaeum no-
strum accederem, id mihi proposui, ut in pleris-
que Ruhkopfii lectione servata, sicubi disceden-
dum

(1) Libelli titulus integer hic est: C. Sallustius
Crispus, *oder historisch critische Untersuchung der
Nachrichten von seinem Leben, der Urtheile über seine
Schriften, und der Erklärung derselben. Nebst einem
Beitrag zur Kritik des Cicero und Seneca. Herausgege-
ben von M. Otto Moriz Müller, Züllichau und
Leipzig 1817.* Appendices Latinae scripti sunt, quorum
alter ad Senecae *de Provid.* librum spectat. Ceterum
hujus separatam editionem, quae Ackero curren-
te Rudolstadii prodit A^o. 1711, Fabricio memoratam
h. l. p. 105, frustra mihi comparare conatus sum.

(2) Memorat eam in praestantissimis Fabric. p. 113.
Exstat in Harlemedi Bibliotheca.

dum ab ea videretur, ejus rei rationem in notulis subjectis redderem (3), tum ceteram varietatem, quae licet in textum non recipienda, notatu tamen digna videretur, paucis commemorarem.

Et praefationis hic finis esse posset, nisi jamjam Academiae valedicturus ut iis, qui bene de me meriti sunt, gratias agerem, et mos requireret, et vero sensus animi postulare.

Vobis igitur, Viri Clarissimi! Siegenbeeki, Palmi, Reuvenesi, Tydemanni Pater atque Fili, Asseni! et quae cetera clara vestra nomina recensere possem, quos in vario doctrinarum genere Praeceptores habere, quorum eruditionem admirari, benevolentiam et humanitatem experiri contigit, persuasissimum Vobis sit de grato discipuli animo.

Vos autem praecipue compellandi mihi estis, Clarissimi Baki et Peerlkampi! alter olim adolescentiae meae Praeceptor carissime, alter in hac solennitate Promotor Aestimatissime, uterque studiorum meorum Dux et Adjutor optime! Quod si tempus praeteritum recordatione repeto, tot ac tanta vestra beneficia occurrunt, ut quid vobis debeam, verbis satis exprimere me posse diffidam: pectore, pectore
in-

(3) Ita tamen, ut interpunctionem et orthographiam, v. c. *cum* an *quum* scribendum, et quae voces literis majusculis ordiendae essent, integram mihi servarem.

inquam gratus ille sensus servabitur. Faxit Auctor omnium bonorum Deus, ut diu multis tales esse possitis, quales mihi fuistis; longam vobis vitam faciat cum felicissimam, tum Academiae Patriaeque fructuosissimam. Vos, Viri Clarissimi, amicitia, quaeso, Vestra prosequi me pergatis.

Neque Te silebo, multum venerande, Doctissime Voet van Campen! qui me puerum una cum collega quondam Tuo, quem Virum grata quoque memoria servo, Samuele Verwey, latinis literis et Graecarum elementis imbuisti. Postea vero cum studiorum causa Leidam proficiscerer, laetus in eo Divinae Providentiae curam recordor, quod Tu eodem vocatus me contubernio recepisti, perque septem et quod excurrit annos ea domesticae consuetudinis humanitate prosecutus es, ut toto pectore me devinctum Tibi sentiam, Tui, Tuorumque, quibus optima quaevis Deus tribuat, nunquam immemor futurus.

Vobis denique, Commilitones Amicissimi! triste illud *Valete* dico. Multos jam desidero priorum annorum amicos, quos aut mors rapuit, aut studiis absolutis vitae cursus alio vocavit. Supersunt tamen in Academia, quorum et jucundissima mihi fuit et utilis familiaritas. Vos, Amicissimi! felici opto successu quae restant opera peragatis, et in quemcunque locum sitis abituri, firma maneat inter nos ac stabilis amicitia.

L.

L. ANNAEI SENECAE

LIBER

DE PROVIDENTIA

SIVE

QUARE BONIS VIRIS MALA ACCIDANT
CUM SIT PROVIDENTIA.

CAPUT I.

Quaesisti a me, Lucili, quid ita, si Providentia mundus ageretur, multa bonis viris acciderent mala? Hoc commodius in contextu operis redderetur, cum praessee universis Providentiam probare-

re-

CAPUT I.

1. *Lucili Cod. Fabric. Lucilli.*

Providentia divina vetus habet editio Arnoldi de Colonia. Quod firmari forte possit imitatione *Minucii Felicis Octav. p. 40*: „quod si mundus divina providentia, et alicujus numinis auctoritate regeretur.” Pinc. ad h. l. Senecae: verbum *divina* vetus lectio non agnoscit.

Mundus ageretur. Arn. de Col. *mundum ageret.* In
Eras-



remus, et interesse nobis Deum: sed quoniam a toto particulam revelli placet, et unam contradictionem, manente lite integra, solvere; faciam rem a non difficilem, causam deorum agam. Supervacuum est

Erasmi editione, quae prodixisse videtur A. 1529, et servatur in Biblio:b. Traject. lectionem hanc vidi, sed utrum in contextu, an in margine non memini: si *Providentia mundum regeret.*

Acciderent. Uterque Cod. Leld. *accidere.* *Agam.* Arn. de Col. *Agenti.*

a. *Certum discursum.* Cod. Fabric. *cursum discursumque.* Sic etiam Lipsius hunc locum affert *Physiol. Stoic.* p. 25: postea tamen in editione vulgatam dedit. Arn. de Col. lectionem utramque conjungit: *sidereum certum cursum et discursum.* Suspicio aliquem librarium non intellexisse, quid esset h. l. *certum*, idque propterea mutasse.

Est cito. Pincianus haec verba dicit in exemplari suo desiderari.

Arietare. Cod. Voss. *variari.* Est tamen illud Senecae frequens hoc sensu offendendi, impingendi, ut *Cons. ad Marc.* XI. 2. *de Tranq. an.* I. 7. *de Vita beata* VIII. 5. Significatio vel ab arietibus ducta videtur, qui cornibus obversis se invicem petunt, vel ab ariete bellico in muros impingente.

Coterunt. Arn. *exierunt*, quod in eandem sententiam foret intelligendum, qua *de Benef.* VI. 23. dixit *excidere.* Melius tamen videtur *coterunt*, quoniam eorum sententia tangitur, qui omnino Deum negant, universumque, ut ait *Nat. quaest. L.* VI. *praeef.* § 14. ferri temeritate quadam arbitrantur, ex atomorum concursu omnia explicantes.

Vallibus. Ita maris sedes appellat etiam *Nat. Quaest.* III, 8.

Mol-

est in praesentia ostendere, non sine aliquo custode tantum opus stare, nec hunc siderum certum discursum fortuiti impetus esse, et quae casus incitat, saepe turbari et cito arietare: hanc inoffensam velocitatem procedere aeternae legis imperio, tantum rerum terra marique gestantem, tantum clarissimorum luminum et ex dispositione lucentium: non esse materiae errantis hunc ordinem, neque quae temere coierunt, tanta arte pendere, ut terrarum gravissimum pondus sedeat immotum, et circa se properantis coeli fugam spectet; ut infusa vallibus maria molliant terras, nec ullum incrementum fluminum sentiant; ut ex nimis seminibus nascantur ingentia. Ne illa quidem quae videntur confusa et incerta, phuvias dico nubesque, et elisorum fulminum iactus, et incendia ruptis montium verticibus effusa, tremores labantis soli, et alia quae tumultuosa pars rerum circa terras movet, sine ratione, quamvis subita sint, accidunt: sed suas et illa causas habent.

Molliant. Codices quosdam habere *commoliant*, ait Pinc. unde conjicit *moveant* s. *commoveant*, quo modo Neptunus a poetis ἐνὸς ὕδατος dicatur. Malim equidem vulgatam retinere.

3. *Labantis.* Cod. Voss. *labentis*; hoc autem *cadere*, illud *tremere* significat. Cod. Fabric. *labantisque*.

Et alia. Cod. Voss. *altaque*, quod oriri potuit e seq. quae per simplex e scripto.

bent non minus, quam quae alienis locis conspecta miraculo sunt, ut in mediis fluctibus calentes aquae, et nova insularum in vasto exsili-
 4 tium mari spatia. Jam vero si quis observaverit nudari litora pelago in se recedente, eademque intra exiguum tempus operiri, credet caeca quadam volutione modo contrahi undas, et introrsum agi, modo erumpere, et magno cursu repetere sedem suam: quum illae interim portionibus cres-
 cunt, et ad horam ac diem subeunt, ampliores minoresque, prout illas lunare sidus elicuit, ad
 5 cujus arbitrium oceanus exundat. Suo ista temporis reserventur: eo quidem magis, quod tu non dubitas de Providentia, sed quereris. In gratiam te reducam cum Diis, adversus optimos optimis.

Ne-

Sed suas et illa. Pincianus editionem habuit, in qua deerat *suas*. Suspicio potius delendum esse *sed*. Amat enim ab illo pronomine periodum incipere Seneca, ut mox: „suo ista temporis reserventur.”

Miraculo. Ruhk. Gronovium secutus dedit *miracula*: videtur tamen elegantior altera lectio *miraculo* i. e. admirationi; quae et amborum Codicum assensu firmatur.

4. *Jam vero — suam.* His contineri puto perversum vulgi iudicium, quod in sqq. ipse redarguit: itaque pro interrogandi nota, quam post *exundat* posuit Ruhk. punctum visum est restituendum.

Illae interim. Uterque Cod. *interim illae*, quod fortasse non pejus est.

5. *Optimis.* Fabric. *optimus*: hinc orta videtur Arn. lectio *optimus sis*.

Ne-

Neque enim rerum natura patitur, ut unquam bona bonis noceant. Inter bonos viros ac Deum amicitia est, conciliante virtute. amicitiam dico? imo etiam necessitudo et similitudo: quoniam quidem bonus ipse tempore tantum a Deo differt, discipulus ejus, aemulatorque, et vera progenies: quem parens ille magnificus, virtutum non lenis exactor, sicut severi patres, durius educat. Itaque quum videris bonos viros acceptosque diis, laborare, sudare, per arduum ascendere, malos autem

las-

Neque enim rerum natura. Enim in Voss. deest: rerum et mox unquam Lipsius et Schottus omittunt; adduntur tamen in utroque Msto Leidensi, et a Gronovio. Pincianus ex antiqua lectione locum ita constitui volebat: *Neque enim rerum natura patitur, ut bona Deum Deos* Voss.

Amicitiam. Idem *amicitia*. Videtur utroque praestare Rubkopffii lectio, quam exhibuimus.

Quoniam quidem. Haec, quae Leidens. quoque Codicum auctoritate firmanur, Pinc. e veteri lectione mutari volebat in *quandoquidem*. Senecae illa vindicat Steph. Prood. p. 262.

Ipsa. Codices Leid. ignorant. Videtur tamen e scriptoris consuetudine: Cf. *Consol. ad Marc.* XXIV, 3. *ad Hely.* XI.

Quem. Codd. iidem *quam*, ad genus nominis *progenies*, non ad *virum bonum* pronomen accommodantes.

6. *Escendere.* Rubk. *ascendere*, sed Gronovium secutus sum: et in veteribus libris ita lectum fuisse docet aberratio *extendere*, quam habet Arn. Fabric. et Voss. hic autem cum nota margin. „alii *tendere*, *ascendere*.” De horum verborum confusione vid. Lips. et Ern. *ad Tac. Ann.* XIII. 6.

lascivire, et voluptatibus fluere; cogita filiorum nos modestia delectari, vernularum licentia: illos disciplina tristiori contineri, horum ali audaciam. Idem tibi de Deo liqueat! bonum virum in deliciis non habet: experitur, indurat, sibi illum praeparat.

II. „ Quare multa bonis viris adversa eveniunt? ”

At nihil accidere bono viro mali potest. Non miscentur contraria. Quemadmodum tot amnes, tantum superne dejectorum imbrium, tanta medicatorum vis fontium, non mutant saporem maris, nec remittunt quidem: ita adversarum impetus rerum

Modestia. Arn. *molestia.*

Vernularum. Voss. *vernularumque*, quod oppositioni filiorum h. l. minus idoneum videtur.

Audaciam. Idem *audacia.*

CAPUT II.

At nihil. *At* non habent editiones: cum autem in Voss. legatur *et nihil*, eaeque particulae confundi soleant, *et* in *at* mutavi, quod hujus responsionis initio bene convenire videtur, in hunc sensum: licet adversa multa bonis viris eveniant, *attamen*, *at certe* mali nihil illis potest accidere.

Tantum sup. dej. imbrium. Esse codd. in quibus legatur *tot supernae dejectiones imbrium* Pinc. ait. Pro *tantum* Fabr. habet *tantorum*.

Medicorum. Hoc Gruterus, cum antea legeretur *Mediterraneorum*, e libris asseruit, ut monet Lipsius. *Meditarum* aut *medicorum* habet etiam Voss. altera lectione *mediterr.* in margine adscripta.

Nec rem. quidem. Pro *nec* Fabr. habet *ne*. Voss. autem et omnes editiones illud praeferunt: itaque retinendum cen-

rum viri fortis non vertit animum. Manet in statu et quidquid evenit, in suum colorem trahit. Est enim omnibus externis potentior: nec hoc dico, non sentit illa, sed vincit, et alioquin quietus placidusque contra incurrentia attollitur. Omnia adversa, exercitationes putat. Quis autem, vir modo, et erectus ad honesta, non est laboris appetens iusti, et ad officia cum periculo promptus? cui non industrioso otium poena est? Athletas videmus, quibus virium cura est, cum fortissimis quibusque configere, et exigere ab his, per quos certamini praeparantur, ut totis contra ipsos viribus

censui ut aetate Senecae usurpatum, apud quem saepe reperitur: quamquam aureo seculo non valuerit, ideoque iudice Ruhnkenio *Opusc. p. 742.* vitandum sit hodie Latine scribentibus.

Externis. praestare videtur eo, quod in Pinc. quibusdam exemplaribus est, *casibus*.

Alioquin. Voss. aliquando, quod contrariam efficeret sententiam.

2. *Et erectus.* Et in Voss. deest: melius tamen adsit: *vir* enim h. l. quodammodo vim habet adjectivi, *vir fortis*, ut *de Tranq. an.* III, 15: „Imo ille vir „fuerit” cet.

Industrioso. Fabr. *industri*, Voss. *industrio*, quae fortasse vera lectio. *Industriosus* enim in Lexicis nullo alio loco firmatur. Non tamen adversus omnes editiones mutare sustinui.

Certamini praeparantur. Pinc. alios codd. habere notat *certamen praeparatur*, de agonotheis intelligens, sed

bus utantur. Caedi se vexarique patiuntur, et si non inveniunt singulos pares, pluribus simul ob-
3 ciuntur. Marcet sine adversario virtus. Tunc apparet, quanta sit, quantum valeat, polleatque, cum quid possit, patientia ostendit. Scias licet, idem viris bonis esse faciendum, ut dura ac difficilia non reformident, nec de fato querantur. Quidquid accidit, boni consulant, in bonum vertant. Non quid, sed quemadmodum feras, interest. Non vides quanto aliter patres, aliter matres indulgeant? Illi excitari jubent liberos ad studia obeunda mature, feriatís quoque diebus non patiuntur esse otiosos, et sudorem illis, et interdum lacrymas, excutiunt: at matres fovere in sinu, con-

hoc alienum videtur a sqq. „ ut totis contra ipsos viri-
„ bus utantur.”

3. *Quanta sit, quant. val. polleatque.* Lectionem antiquam Schotti et Lipsii restitui, nervosiores, ut videtur, ea, quam habent Gron. et Ruhk. *quantum valeat quantumque polleat.* Nisi forte verba *quantum val.* ex interpretatione in textum irrepsérint, ut cum veteri quadam lectione Pinc. et utroque Cod. Leid. legendum sit: *quanta sit quantumque polleat.*

Idem vir. bon. esse fac. Voss. *fac. id bon. viris*, minus numerose. Idem mox *et diffc.* pro *ac diffc.*

Indulgeant. Proprium verbum in parentum erga liberos amore, qui inde dicitur *indulgentia*, veluti ap. Nostrium *Consol. ad Heiv.* XIV, 3. XVI, 6. Non igitur opus est eo, quod post *matres* additur in Voss. *filiis.*

Excitari. Ambo codd. *exercitari*, minus eleganter.

Tris-

continere in umbra volunt; nunquam flere, nunquam tristari, nunquam laborare. Patrium habet
 4 Deus adversus bonos viros animum, et illos fortiter amat: et, „Operibus,” inquit, „doloribus; „ac damnis exagitantur, ut verum colligant robur!”
 Languent per inertiam saginata, nec labore tantum, sed motu, et ipso sui onere deficiunt. Non fert

Tristari. exquisitius quam *contristari*, quod uterque cod. habet, et later in Arn. *constrictari* Illud raro quidem, sed tamen occurrit etiam *de Ira* II, 7.

4. *Patrium.* Fabr. *Patrum.* Voss. sequentium etiam ordine mutato *Paternum Deus habet*; melius autem videtur h. l. *patrium*, quoniam ita dicitur id, quod patribus universe convenit, ut *animus patrius*; *paternus* potius ad certi cujusdam hominis patrem spectat, ut *regnum paternum*.

Inquit. Voss. *inquam*, sublata prosopopoeia. Similiter mox Arn. habet *exagitat* pro *exagitur*.

Ac. in Fabric. deest, Voss. *et*.

Motu. Ita Mstorum auctoritate Gron. et Ruhk. Antea legatur *mole*, quod ita forte defendi posset, si dicamus Horatianum illud „Vis consili expers mole ruit sua” Senecæ in animo fuisse; quem poetam etiam hoc libro saepius expressit: v. c. mox (§ 6) „inter ruinas publicas rectum” cogitasse videtur justum ac tenacem virum, quem „si fractus illabatur orbis, Impavidum ferient ruinae.” Paulo post *nobiles edet operas* expressa forte sint ex Horatiano „Catonis nobile letum” ut hic locus Bentleji emendationi „anne Curti” opponi possit. — Uterque Leid. habet *motu*: librariis autem proclive fuerit hoc scribere pro difficiliore *mole*.

Du-

fert ullum ictum illaesa felicitas: at ubi assidua fuit cum incommodis suis rixa, callum per injurias ducit, nec ulli malo cedit: sed etiamsi ceciderit, de genu pugnat. Miraris tu, si Deus ille bonorum, amantissimus, qui illos quam optimos esse atque excellentissimos vult, fortunam illis, cum qua exerceantur, assignat? Ego vero non miror, si aliquando impetum capiunt Dii spectandi magnos viros, colluctantes cum aliqua calamitate. Nobis interdum voluptati est, si adolescens constantis animi irruentem feram venabulo exceperit, si leonis incursum interritus pertulit: tantoque spectaculum est gratius, quanto id honestior fecit.

6 Non sunt ista, quae possunt Deorum in se vultum

Ducit. Fabr. *duxit*, quod fortasse melius.

Ceciderit. Rubk. solus edidit *occiderit*; ceteri, quos vidi omnes, etiam Mss. *cecidit*; hoc igitur visum est restituendum.

5. *Impetum capiunt Dii spectandi*, i. e. cupido Deos incedit spectandi: quae locutio Suetonio frequens. Ex ea non intellecta fluxisse videtur Codicum, etiam Leid. lectio, quam Pinc. quoque in suo exemplo habuit: *si aliquando impetum capiunt. Spectant Dii*: unde Pinc. et Gron. fecere *si quando i. e. spectandi*. Lips. et Rubk. ante *spect.* inseruere *Dii*, quos secutus sum, nisi quod auctoritate Codd. dedi *aliquando*, quod nonnunquam in gravi oratione, ut h. l. post *si* usurpatur.

Interritus. Fabr. *inter ictus*.

Honestior. Arn. *honestius*, quod frigidius videtur.

6. *Possunt.* Voss. *possint*. Idem contra pro *respiciat*, quod mox sequitur, *respicit*. *Sed*

tum convertere, sed puerilia, et humanae oblectamenta levitatis. Ecce spectaculum dignum, ad quod respiciat intentus operi suo Deus: ecce par Deo dignum, vir fortis cum mala fortuna compositus, utique si et provocavit. Non video, inquam, quid habeat in terris Jupiter pulchrius, si convertere animum velit, quam ut spectet Catonem, jam partibus non semel fractis, stantem nihilominus inter ruinas publicas rectum. Licet, inquit, omnia in unius ditionem concesserint, custodiantur legionibus terrae, classibus maria, Caesarianus portas miles obsideat: Cato, qua exeat, habet. Una manu latam libertati viam faciet. Ferrum istud, etiam civili bello purum et innoxium, bonas tandem ac nobiles edet operas. libertatem, quam patriae non potuit, Catoni dabit. Aggredere
ani-

Sed. in Voss. deest: Fabr. habere videtur *haec*.

Mala fortuna. Cod. uterque *fortuna mala*. Voss. *mox et si pro si et*.

Habeat. Cod. Fabric. *hanc*, errore credo librarii.

Rectum. Antiquitus legebatur notante Pinc. *erectum*; sed illud firmatur alio loco infra III, 4. „*rectissimum*,” et *Epist.* XXXVII, 2. „*recto tibi invictoque moriendum est*.” Aliud est *erecta consilia* *Epist.* XLI, 2. et quod supra habuimus, „vir modo et erectus.”

7. *Ditionem.* Non intellectum a librariis: Fabric. enim habet *conditione*. Voss. *conditionem*.

Etiam. pro *in* Pinc. ex antiqua lectione scripsit.

anîme diu meditaturn opus; eripe te rebus humanis. Jam Petreius et Iuba concurrerunt, iacentque alter alterius manu caesi. Fortis et egregia fati conventio, sed quae non deceat magnitudinem nostram! tam turpe est Catoni, mortem ab ullo petere, quam vitam. Liquet mihi, cum magno spectasse gaudio Deos, cum jam ille vir, acerrimus sui vindex, alienae salutis consulit, et instruit discedentium fugam: dum etiam studia nocte ultima tractat, dum gladium sacro pectori infigit, dum viscera spargit, et illam sanctissimam animam, indignamque quae ferro contaminaretur, manu educit. Inde crediderim fuisse parum certum et efficax vulnus. non fuit Diis immortalibus satis, spectare Catonem semel: retenta ac revocata virtus est, ut in difficiliore parte se ostenderet. Non enim tam magno animo mors initur, quam

re-

8. *Concurrerunt* Cod. Voss. *corruerunt*.

Jam, quod huius descriptioni praeclare inservit, abest a Cod. Voss.

Discedentium. Pro eo *diffidentium* alios habere, in ejusdem cod. margine notatum est.

Dum etiam studia. Cod. Fabric. *dum studia etiam*, quod nesciam an melius sit. Voss. *fastidia studia etiam*.

9. *Efficax*. Arn. *inefficax*.

Revocata. Pro eo codices quosdam habere *renovata* monet Pinc.

Difficiliore. Cod. Leid. *difficiliore*.

Initur. *Mortem inire*, rara dictio: mutarunt igitur in
im-

repetitur. Quidni libenter spectarent alumnum suum, tam claro ac memorabili exitu evadentem? mors illos consecrat, quorum exitum et qui timeant, laudant.

III. Sed iam procedente oratione ostendam, quam non sint, quae videntur, mala. Nunc illud dico, ista quae tu vocas aspera, quae adversa et abominanda, primum pro ipsis esse, quibus accidunt; deinde pro universis, quorum maior Diiſ cura est, quam singulorum: post haec, volentibus accidere; ac dignos malo esse, si nolint. His adiciam, fato ista fieri, et recte eadem lege bonis evenire, quā sunt boni: persuadebo inde tibi, ne unquam boni viri miserearis. potest enim miser a dici, non potest esse. Difficillimum, ex omnibus quae proposui, videtur quod primum dixi: pro ipsis esse, quibus eveniunt, ista, quae horremus.

ac

immittitur, ut habet et Arn. et Cod. Voss. Illud tamen exstare videtur in Fabric. sed linea primae literae superposita, *initur*.

Et qui. Arn. et Voss. *etiam qui*.

C A P U T III.

Cura et, quam singulorum. Voss. *cura, quam singulorum est*.

Fieri et. Voss. *sic.* Fabric. *sic et.* Schott. *omisit et.*

Sunt boni. Voss. *boni sunt.*

Persuadebo. Idem *persuadeo*.

a. *Quod primum dixi.* Absunt haec ab Arn. editione.

ac tremimus. Pro ipsis est, inquis, in exilium proiici, in egestatem deduci liberos, coniugem efferre, ignominia affici, debilitari? Si miraris, hoc pro aliquo esse, miraberis quosdam ferro et igne curari, nec minus fame ac siti. Sed si cogitaris tecum, remedii causa quibusdam et radi ossa et legi, et extrahi venas, et quaedam amputari membra, quae sine totius perniciie corporis haerere non poterant: hoc quoque patieris probari tibi, quaedam incommoda pro his esse, quibus accidunt, tam mehercules, quam quaedam quae laudantur atque appetuntur, contra eos esse, quos delectaverunt, simillima cruditatibus ebrietatibusque

et

Tremimus. efficacius quam quod habet Voss. *timemus.*
Efferre. Fabric. *hec ferre.*

Hoc. Voss. *haec.* Vulgatum defendit locus infra § 12: „quid per *hoc* consequar.” ubi etiam plura memoraverant. Idem mox *et siti* pro *ac siti*.

Sed. Fabr. omisit.

Et legi. Desiderantur haec in Voss. In exemplo Pinc. fuit *et laedi*.

Extr. venas. Voss. neglecta structurae venustate *venas extrahi*: similiter mox *corporis perniciie*.

Pro his. Idem habet *pro ipsis* e praecedentibus. Paulo post *et app.* pro *atque app.*

Delectaverunt. Fabr. *delectaverint.* Melior autem indicativus videtur, quo in hac structura supra etiam usus erat: „pro his esse, quibus *accidunt*.” Neque perfecti semper contractam formam ponit; mox enim *judicaverunt*.

Simillima. Voss. *similia*, sed huius loci gravitati et mori Senecae convenit superlat. Cf. *Cons. ad Marc.* III. 3.

et ceteris, quae necant per voluptatem. Inter
 3 multa magnifica Demetrii nostri, et haec vox est,
 a qua recens sum: sonat adhuc, et vibrat in au-
 ribus meis. „Nihil,” inquit, „mihi videtur infeli-
 „cius eo, cui nihil unquam evenit adversi.” Non
 licuit enim illi se experiri. Ut ex voto illi *fluxe-*
rint omnia, ut ante votum, male tamen de illo
 Dii iudicaverunt; indignus visus est, a quo vin-
 ceretur aliquando fortuna, quae ignavissimum quem-
 que refugit, quasi dicat: Quid ego istum mihi
 adversarium assumam? statim arma submittet. non
 opus est in illum tota potentia mea: levi com-
 minatione pelletur. non potest sustinere vultum
 meum. Alius circumspectatur, cum quo conferre
 4 possimus manum: pudet congregi cum homine vin-
 ci

3. *Senat.* Voss. praefigit *et*, quod maiore cum vi omitti videtur.

Experiri. Voss. *experire*.

Ut ex voto — ut ante votum. Utroque loco pro ut Voss. habet *utrum*: Pinc. veterem hanc memorat lectionem: *ut e. v. i. fl. o. immo et ut ante votum*: sed illa immo et elegantius intelliguntur.

De illo Dii. Voss. *Dii de illo*.

A quo vinc. cet. In eodem locum ita refectum videmus: *a quo vinceretur. Aliquando fortuna ignavissimum quemque refugit. Paulo post habet mihi istam.*

Subm. Fabr. submittet. Voss. *demittet*.

Sust. vult. m. Hic rursus orationis numero soluto vultum meum sustinere.

4. *Alius circump.* Arn. *Alius enim conspiciatur.*

Conferre possimus manum. Voss. *poss. conf. m.* Fabr. pro *possimus* habet *possumus*. Ad-

ci parato. Ignominiam judicat gladiator, cum inferiore componi: et scit eum sine gloria vinci, qui sine periculo vincitur. Idem facit fortuna, fortissimos sibi pares quaerit, quosdam fastidio transit. Contumacissimum quemque et rectissimum aggress⁵ dicitur, adversus quem vim suam intendat. Ignem experitur in Mucio, paupertatem in Fabricio, exsilium in Rutilio, tormenta in Regulo, venenum in Socrate, mortem in Catone. Magnum exemplum, nisi mala fortuna, non invenit. Infelix est Mucius, quod dexterâ ignes hostium premit, et ipse a se exigit erroris sui poenas? quod regem, quem armatâ manu non potuit, exustâ fugat? Quid

Adversus. Voss. adversum.

Intendat. Idem intenet. Utrumvis bonum videtur, sed illud exquisitius.

5 Rutilio. Fabr. incilio.

Mortem in Cat. Omisit haec Arn.

Dextera. Codd. Leid. dextra, quod h. l. minus numero sonat.

Et ipse. Voss. quod ipse: quae lectio, quamvis elegans, non tamen invitis ceteris recipienda visa est. Profectam esse credo ab aliquo, qui in sqq. ingeminatam viderat particulam quod: „infelix est Fabricius, quod rus „suum fodit, quod bellum gerit,” cet. Neque tamen haec forma perpetuo ibi servatur: de Rutilio enim ait: quod Syllae aliquid negavit, et revocatus longius fugit.

Fugat. Voss. fugavit, quod non magis probandum videtur, quam quod mox pro amicae Fabr. habet amicitiae; rursum pro rus suum, et fovit pro fodit.

Quid ergo? felicior esset, si in sinu amicae fove-
 6 ret manum? Infelix est Fabricius, quod rus suum,
 quantum a republica vacavit, fodit? quod bellum
 tam cum Pyrrho, quam cum divitiis gerit? quod
 ad focum coenat illas ipsas radices, et herbas,
 quas in agro triumphalis senex vulsit? Quid ergo?
 felicior esset, si in ventrem suum longinqui lito-
 ris pisces, et peregrina aucupia congereret? si
 conchylis Superi atque Inferi maris pigritiam sto-
 machi nauseantis erigeret? si ingenti pomorum
 strue cingeret primae formae feras, captas multa

cae-

6. *In agro.* Post haec verba in prioribus edd. addi-
 tum erat *repurgando*, quod Lipsio suspectum, cum in
 nonnullis codd. abesset, eiecit Ruhk. Uterque Leid. or-
 dine contrario praefert *in repurg. agro*, quo probabili-
 us sit, illud alienum esse. Vitium inde fluxisse con-
 jicias, quod aliquis Curium cum Fabricio confundens,
 ad *radices* interpretandi causa *rapas* in margine posue-
 rit, idque minus clare scriptum postea reflexerit alius
 in *repurgando*.

Vulsit, exquisitius videtur, quam quod habet Arn.
evulsit.

Si conch. Superi. Fabr. Sed conciliis superni.

Pigr. stom. naus. erigeret. Eleganter dictum pro *pigrum
 stomachum et nauseantem*. Id cum fugeret librariorum, Fabr.
 et Arn. pro *erigeret* habent *exigeret*. — *Erigi stomachus*
 dicitur etiam notante Lipsio, *Nat. Quaest.* IV, 13. Voss.
nauseantis stomachi

Cingeret. Hoc verum videtur. Fabr. *cingerentur*, quod pa-
 rum abest a lectione Lipsio memorata, nec tamen proba-
 ta: *cingeretur, primae formae feras c. m. c. v. deglutiret.*

7 caede venantium? Infelix est Rutilius, quod qui illum damnaverunt, causam dicent omnibus securis? quod aequiore animo passus est se patriae eripi, quam sibi exsilium? quod Syllae dictatori solus aliquid negavit, et revocatus non tantum retro cessit, sed longius fugit? Viderint, inquit, isti, quos Romae deprehendit felicitas tua. Videant largum in foro sanguinem, et supra Servilium lacum (id enim proscriptionis Syllanae spoliarium erat) senatorum capita, et passim vagantes per urbem percussorum greges: et multa millia civium Romanorum, uno loco post fidem, immo per ipsam fidem trucidata. Videant ista, qui exulare non possunt! Quid ergo? felix est L. Sylla, quod illi descendenti ad forum gladio submovetur, quod

ca-
7. *Dicent. Fabr. diceret: mox eripere pro eripi et soli pro Syllae.*

Non tantum retro cessit. Lips. post *tantum* addendum putat non; Gronov. interpretatur, quasi fuisset additum. Equidem potius cum Ruhkopfio sic explicem, ut Rutilius non tantum retro cesserit a loco, quo cum Sylla collocutus erat, sed longius etiam a loco, ubi exulabar, in ulteriora fugerit.

Vid. inq. istis. Antea legebatur: *Vid. inq. hoc istis*, sed hoc Lips. et Gronov. eiecerunt, in codd. nonnullis, etiam in utroque Leid. non exstans.

Servilium. Codd. Leid. *Servilianum*, sed vulgatam tueretur Ciceronis (*pro Rosc. Am.* 32) locus a Lipsio allatus.

Vagantes. Fabr. *vagantis*.

8. *Illi descendenti.* Voss. *illo descendente.* Mox uterque *summovetur.* St-

capit sibi consularium virorum patitur appendi,
et pretium caedis per quaestorem ac tabulas pu-
blicas numerat? et haec omnia facit ille, qui le-
gem Corneliam tulit! Veniamus ad Regulum! quid
illi fortuna nocuit, quod illum documentum fidei,
documentum patientiae fecit? Figunt cutem clavi,
et quocunque fatigatum corpus reclinavit, vulnere
incumbit, in perpetuam vigiliam suspensa sunt li-
9 mina. Quanto plus tormenti, tanto plus erit glo-
riae. Vis scire, quam non poeniteat hoc pretio
aestimasse virtutem? refice tu illum, et mitte in
senatum: eandem sententiam dicet. Feliciorum ergo
tu Maecenatem putas, cui amoribus anxio, et mo-
ro-

Sibi. non habent editi. sed ambo MSS. Leid. Dignum
putavi, quod in textum reciperetur.

Appendi. quasi per trutinam, ut explicat Ruhk. Al-
teram lectionem *ostendi*, quam etiam Leidd. habent, ex
interpretatione natam esse eidem assentior. Paulo ante
pro *quod capita* Voss. *quae capita*.

Ac tab. Voss. *et tab.* Et mox illud docum. Arn. *illud*
docum.

Clavi. Voss. *clavis*, multo minus eleganter.

In perp. Ruhk. et reliqui *et in perp.* Codd. Leid. *et*
omittunt. Elegantius videtur hoc asyndeton, quam quod
a librario proficisci potuerit. Itaque recepi.

9 *Tu.* quod h. l. vim orationi addit, abest ab utroque
Cod. *Refice* sine ill. majusc. scripti auctore *ISTRUANO*
Prood. p. 144.

Putas. Voss. *dicet*, e praec. *dicet* repetitum: Mox idem
pro *morestae* barbarum habet *amorisae*.

-rosae uxoris quotidiana repudia deflenti, somnus
 per symphoniarum cantum, ex longinquo lene re-
 sonantium, quaeritur? Mero se licet sopiat, et
 aquarum fragoribus avocet, et mille voluptatibus
 mentem anxiam fallat: tam vigilabit in pluma, quam
 ille in cruce. Sed illi solatium est, pro honesto
 dura tolerare, et ad causam a patientia respicit:
 hunc voluptatibus marcidum, et felicitate nimia la-
 borantem, magis his quae patitur vexat causa pa-
 tiendi. Non usque eo in possessionem generis hu-
 mani vitia venerunt, ut dubium sit, an electione fati
 data, plures Reguli nasci, quam Maecenates velint.
 Aut si quis fuerit, qui audeat dicere, Maecenatem se
 quam Regulum nasci maluisse: idem iste, taceat
 licet, nasci se Terentiam maluit. Male tractatum
 Socratem iudicas, quod illam potionem publice
 mixtam, non aliter quam medicamentum immorta-
 litatis obduxit, et de morte disputavit usque ad
 ipsam? male cum illo actum est, quod gelatus
 est

Avocet. Elegantior huius verbi vis fugit librarium Voss.
 codicis, qui pro eo scripsit *somnum advocet*. Idem suo
 more *anxiam mentem* pro *ment. anx.*

Vigilabit. Fabr. *vigilavit*, et mox *pluvia* pro *pluma*,
 et *tollerare*.

Causa patiendi. Fabr. *causam patiendi*. Voss. *causa patienda*.
 10. *Reg. nasci.* Fabr. *nasci Reguli*. Voss. *nasci Regulos*:
 hic mox etiam *Regulos* pro *Regulum*.

Tractatum. Arn. *tentatum*.

est sanguis, ac paulatim frigore inducto venarum
 11 vigor constitit? Quanto magis huic invidendum
 est, quam illis quibus gemma ministratur, quibus
 exoletus omnia pati doctus, exsectae virilitatis,
 aut dubiae, suspensam auro nivem diluit?
 Hi quidquid biberint, vomitu remetientur tristes,
 et bilem suam regustantes: at ille, venenum laet-
 tus et libens hauriet. Quod ad Catonem pertinet,
 satis dictum est: summamque illi felicitatem con-
 tigitisse, consensus hominum fatebitur: quem sibi
 rerum natura delegit, cum quo metuenda collide-
 12 ret. „ Inimicitiae potentum graves sunt? oppo-
 „ na-

11. *Biberint.* Codd. Leid. *biberunt.* Illud defenditur
 loco infra IV, 7 „ quidquid illis inciderit, novum ve-
 „ niet.”

Remetientur. Arn. lectio *remittunt* ex interpretatione
 videtur orta.

Regustantes. Fabr. *gustantes.* Et mox *libens* pro *li-
 bens*, frigide.

Hauriet. Fabr. *hausit*, sed amsr in his futurum Seneca,
 etiamsi de mortuis sermo sit, veluti supra de Maecenate
vigilabit, ubi Fabr. item habebat perfectum.

Quod ad Cat. pertinet. Voss. *quantum ad Catonem*, omis-
 so *pertinet*. Illud autem, cum sit minus usitatum, hu-
 jus loci gravitati aptius videtur.

Collideret. Fabr. *colluderet.* Videtur igitur librarius *me-
 tuenda* pro *fem. sing.* habuisse, cum sit neutrum plura-
 le: *res omnes metuendas*, ut infra VI, 4. *metuenda con-
 temnere.*

12. *Potentum.* Codd. Leid. *potentium.*

„natur simul Pompejo, Caesari, Crasso. Grave
 „est, a deterioribus honore anteiri? Vatinio
 „postferatur. Grave est, civilibus bellis interes-
 „se? toto terrarum orbe pro causa bona tam
 „infeliciter, quam pertinaciter, militet. Grave
 „est, sibi manus afferre? faciat. Quid per hoc
 „consequar? ut omnes sciant, non esse haec
 „mala, quibus ego dignum Catonem putavi.”

IV. Prospera in plebem ac vilia ingenia deveniunt: at calamitates terroresque mortalium sub jugum mittere, proprium magni viri est. Semper vero esse felicem, et sine morsu animi transire vitam, ignorare est rerum naturae alteram partem. Magnus es vir: sed unde scio, si tibi fortuna non dat facultatem exhibendae virtutis? Descendisti ad Olympia: sed nemo praeter te: coronam ha-

Civil. Fabr. civibus, ex mox manus sibi.

Hoc. Etiam h. l. quo III, a usus sum ad defendendam lectionem *hoc.* Voss. habet *haec.* Vix tamen credibile Senecam in tam elaborata oratione tam parvo intervallo bis eandem syllabam posuisse: sequitur enim prae-
 cis interjectis *haec mala.*

C A P U T IV.

1. *Deveniunt.* tamquam homines, de quibus hoc verbum plerumque videtur usurpari. Minus igitur elegans, quod Fabr. habet *eveniunt.*

2. *Sed.* Veterem hanc Schoetti et Lipsii lectionem, cui Fabr. accedit, revocandam putavi, cum Gron. et Rubk. habeant *si.* — *Sed* ea praesertim de causa magis placet, quod

habes, victoriam non habes. Non gratulor tanquam viro forti, sed tanquam consulatum praeturamve adeptus: honore auctus es. Idem dicere et bono viro possum, si illi nullam occasionem difficilius casus dedit, in qua una vim sui animi
 3 ostenderet: miserum te judico, quod nunquam fuisti miser; transisti sine adversario vitam. Nemo sciet, quid potueris: ne tu quidem ipse. Opus est enim ad notitiam sui, experimento. quod quisque posset, nisi tentando non didicit. Itaque quidam ultro se cessantibus malis obtulerunt, et virtuti iturae in obscurum occasionem, per quam
 eni-

quod h. l. comparationem habemus, in qua oratione concisum hoc dicendi genus, quo res ipsa quasi pingitur, amat Seneca: v. c. supra de Regulo non si reficias illum et mittas in senatum, sed brevius et efficacius ait: Refice tu illum, cet.

3. Una Voss. unam, quod et suos quosdam codd. habere testatus Lips. legendum conjit *vivam*. Non opus mihi videtur, si cum Rubk. locum sic intelligas: „ne unam quidem occasionem habuit vim sui animi ostendendi” Simili forma utitur *Ephr.* XCIX. 10: „de eo quernatur omnes, in quo uno nemo de-
 „cipitur.” Voss. *animi sui*.

Quod. Voss. *qui*. Bonum sensum praebet, illud tamen praefeream, ut acutius: miserum ob id ipsam, quod cet. Mox pro *quod quisque* Fabr. *quid quisque*. De quorum discrimine passim notavit Ern. ad *Ciceronem*.

Se. Voss. viri fortes. Diversitatem ortam opinor e *sqq.* *magni viri et fortes milites*. Mox uterque cod. *po-
 enit.* minus eleganter *enitescerent*.

4 enitesceret, quaesierunt. Gaudent, inquam, magni viri aliquando rebus adversis, non aliter quam fortes milites bellis. Triumphum ego mirmillonem sub C. Caesare de raritate munerum audivi quarentem: „ Quam bella,” inquit, „ aetas perit!” Avida est periculi virtus, et quo tendat, non quid passura sit, cogitat: quoniam et quod passura est, gloriae pars est. Militares viri gloriantur vulneribus, laeti fluentem meliori casu sanguinem ostentant. Idem licet fecerint, qui integri revertuntur ex acie, magis spectatur qui
5 saucius redit. Ipsis, inquam, Deus consulit, quos esse quam honestissimos cupit, quoties illi
ma-

4. *Inquam. Fabr. inquit.* Illud autem Seneca frequenter interponit, ubi majore cum vi aliquid affirmat, ut mox. „ Ipsis, inquam, Deus consulit.” *Epist. XC, 27:* „ Non est, inquam, instrumentorum ad usus necessarios „ opifex.”

Bellis. Triumphum ego. Gronovii Rubenique conjecturam elegantem recepi, qui Triumphum nobilem gladiatorum a Martiali memorari viderant *Epigr. 20.* — Editt. antiquae et Codd. *Belli triumpho. Ego,* vel, ut habet Fabr. *Ergo.* Muretus belli in bellis mutato triumpho delevit. Quod reduxit Ruhk. Ita legens: *bellis. Triumpho ego.* Sed melior videtur accus. quem in ablat. facile mutare potuit librarius ad similitudinem antecedentis *adversis.*

Tendat. Fabr. *tendit,* et mox *etiam quid pro et quod.*

Casu. Lipsio difficile visum, ideoque *caussa* rescribi voluit. Sed *meliozem casum* interpretari possumus fortunam clementiorem, qua factum est, ut vulnus non letale sit. Ita fere Gron. et Ruhk. Pro *ost.* Fabr. *ostendant.*

materiam praebet aliquid animose fortiterque faciendi: ad quam rem opus est aliqua rerum difficultate. Gubernatorem in tempestate, in acie militem intelligas. Unde possum scire, quantum adversus paupertatem tibi animi sit, si divitiis diffuis? unde possum scire, quantum adversus ignominiam et infamiam, odiumque popolare, constantiae habeas, si inter plausus senescis? si te inexpugnabilis, et inclinatione quadam mentium pronus favor sequitur? Unde de scio, quam aequo animo laturus sis orbitatem, si, quoscumque sustulisti, vides? Audi vi te quum alios consolareris: tunc conspexissem, si te ipse consolatus esses, si te ipse dolere vetuisses. Nolite, obsecro vos, expavescere ista, quae Dii immortales velut stimulos admovent animis! Calamitas virtutis occasio est. Illos merito quis dixerit miseros, qui nimia felicitate torpescunt, quos velut in mari lento tranquillitas iners detinet. Quidquid illis inciderit, novum veniet. magis

5. *Si te.* Lips. haec suo Codici deesse scribit. Desunt et Fabr. Melius tamen addi videntur.

Inexp. Idem Lipsii Cod. *inexpugnabiliter.*

6. *Dolere.* Fabr. *dolore.* Paulo post pro *iner:* Arn. *wineris.*

7. *Tenerae.* Vulgatam retinui, licet in nonnullis Codd. sit *ferre*, unde Lips. conjecit *ferae cervici*, i. e. non do-

gis urgent saeva inexpertos. grave est tenerae cervici jugum. Ad suspicionem vulneris tiro pallescit: andaciter veteranus cruorem suum spectat, qui scit se saepe vicisse post sanguinem. Hos itaque Deus, quos probat, quos amat, indurat, recognoscit, exercet. eos autem quibus indulgere videtur, quibus parcere, molles venturis malis servat. Erratis enim, si quem judicatis exceptum: veniet ad illum diu felicem sua portio. Quisquis videtur dimissus esse, dilatus est. Quare Deus optimum quemque aut mala valetudine, aut luctu, aut aliis incommodis, afficit? Quare in castris

domitiae. Sed *ten.* ita scriptum *tenere* librarilis *verbum* *vbum* esse credo, qui idcirco dictioni insolitae *jugum tenere* substituerint faciliores *ferre jugum*, et *terere jugum*. Illud habet etiam Arn. hoc Fabr. uterque pro *cervici* addito *cervicibus*.

8. *Aut luctu.* Haec verba, quae commodum sane sensum offerunt, adjeci auctoritate Msti Fabr. et editionis Schott.

In illo legitur: *aut luctu*, *aut incomm.* omisso *aliis*, quod tamen probum videtur, siquidem incommoda non sunt peculiaris calamitatum species, a mala valetudine luctusque diversa, sed genus, quod haec etiam complectitur.

Apud Schott. totum hoc postremum deest, legiturque: *aut m. v. aut luctu afficit.*

Quare in. Fabr. *quia in.* Sed multo elegantius quaestio quaestioni regeritur. Cf. infra V, 2: „At *iniquum* „est, bonum virum cet. — Quid porro? non est *iniquum* cet.

Iter.

tris quoque periculosa fortissimis imperantur? Dux lectissimos mittit, qui nocturnis hostes aggre-
diantur insidiis, aut explorent iter, aut praesi-
dium loco dejiciant. Nemo eorum qui exeunt,
dicit, „Male de me imperator meruit:” sed,
„Bene judicavit.” Idem dicant quicunque jubentur
pati timidis ignavisque flebilla: Digni visi su-
mus Deo, in quibus experiretur, quantum hu-
mana natura posset pati. Fugite delicias, fugite
enervatam felicitatem, qua animi permadescunt,
nisi aliquid intervenit, quod humanae sortis admo-
9 neat, velut perpetua ebrietate sopiti. Quem spe-
cularia semper ab afflatu vindicarunt, cujus pedes
inter fomenta subinde mutata tepuerunt, cuius
coenationes subditus et parietibus circumfusus calor
temperavit, hunc levis aura non sine periculo strin-
get. Cum omnia, quae excesserunt modum, no-
ceant; periculosissima felicitatis intemperantia est.

Mo-

Iter. Lips. cum in duobus Codd. inveniret *interdum*,
inde conjecit *interdiu*, quod responderet *nocturnis insidiis*.
Mihi cum Ruhk. servandum videtur *iter*, pro quo facillius
scribi potuit *interdum*, quam contra.

Jubentur. Fabr. *jubent*. Idem infra pro *nisi* habet *et nisi*.

9. *Vindicarunt.* Fabr. *vindicaverunt*, quod melius for-
tasse propter Senecae consuetudinem.

Fomenta. Duo Lipsii codd. *segmenta*, unde legi vole-
bat *segmenta*: vulgatam tuetur Gron.

Subinde mutata. Desiderantur in uno Lipsii.

Felicitatis. Fabr. *felicitas*.

H

Men-

Movet cerebrum, in vanas mentem imagines evocat, multum inter falsum ac verum mediae caliginis fundit. Quidni satius sit, perpetuam infelicitatem, quae advocat ad virtutem, sustinere, quam infinitis atque immodicis bonis rumpi? Levior ieiunio mors est: cruditate dissiliunt. Hanc iraque rationem Dii sequuntur in bonis viris, quam in discipulis suis praeceptores: qui plus laboris ab his exigunt, in quibus certior spes est. Numquid tu invisos esse Lacedaemoniis liberos suos credis, quorum experiuntur indolem publice verberibus admotis? ipsi illos patres adhortantur, ut ictus flagellorum fortiter perferant, et laceros ac semianimes rogant, perseverent vulnera praebere vulneribus.

11. Quid mirum, si dure generosos spiritus Deus tentat? nunquam virtutis molle documentum est. Verbe-

Mentem. Idem *mentes*. Singularem et euphoniae causa praeferam, et quia *cerebrum* antecessit.

10. *Quidni.* Post hanc vocem Fabr. addit *id*, et mox ita turbatum exhibet locum: *in felicitatem advocat a virtute, sustinere.*

Jejunio, quod et Fabr. habet, a Gron. et Ruhk. defenditur adversus Lipsii conjecturam *e jejuno*. Veteres editt. ut Schotti, *jejuno*.

Dissiliunt. Habet hoc etiam Fabr. et explicatur a Gron. ut non opus sit Lipsii conjectura *difficilis* aut *dissimilis*.

Esse. Fabr. *esses*. Mox pro *perseverent* idem *perseverant*, Arn. *perseveranter*.

berat nos et lacerat fortuna? patiamur. non est saevitia: certamen est. quo saepius adierimus, fortiores erimus. Solidissima pars est corporis, quam frequens usus agitavit. Praebendi fortunae sumus, ut contra ipsam ab ipsa duremur. Patulacim nos sibi pares faciat. contemptum periculorum assiduitas periclitandi dabit. Sic sunt nauticis corpora ferendo mari dura: agricolis manus tritae: ad excutienda tela militares lacerti valent: agilia sunt membra cursoribus. Id in quoque solidissimum est, quod
 12 exercuit. Ad contemnendam malorum potentiam, animus patientiâ pervenit: quae quid in nobis efficere possit, scies, si adspexeris, quantum nationibus nudis et inopia fortioribus, labor praestet. Omnes considera gentes, in quibus Romana pax desinit: Germanos dico, et quidquid circa Istrum vagarum gentium occursat. Perpetua illos hiems, triste coelum premit, maligne solum sterile sustentat, imbrem cultro aut fronde defendunt, super
 du-

11. *Patiamur. Fabr. patimur.* Infra pro *ipsam* habet *illam*, et *duremus* pro *duremur*. Haec omnia vulgatae postponenda esse, facile quisque videt.

Ferendo. Idem efferendo. Et mox *patientiam vel potentiam malorum.*

12. *Istrum.* Adspiratio praefigitur in eodem. Pro *vagarum* est *vagorum*. Conjicere possis, hoc solum retinendum esse, *vagorum* scil. hominum, ne *gentium* post *gentes* tam brevi spatio recurrat.

durata glacie stagna persultant, in alimentum feras
 13 captant. Miseri tibi videntur? nihil miserum est,
 quod in naturam consuetudo perduxit. paulatim
 enim voluptati sunt, quae necessitate coeperunt.
 Nulla illis domicilia, nullae sedes sunt, nisi quas
 lassitudo in diem posuit; vilis, et hic quaerendus
 manu, victus; horrenda iniquitas coeli, intacta cor-
 14 pora: hoc quod tibi calamitas videtur, tot gen-
 tium vita est. Quid miraris bonos viros, ut con-
 firmantur, concuti? Non est arbor solida, nec
 fortis, nisi in quam frequens ventus incursat: ip-
 sa enim vexatione constringitur, et radices certius
 figit. Fragiles sunt, quae in aprica valle creverunt.
 Pro ipsis ergo bonis viris est, ut esse interriti
 possint, multum inter formidolosa versari, et ae-
 quo animo ferre, quae non sunt mala, nisi male
 sustinenti.

V. Adūce nunc, quod pro omnibus est, opti-
 mum

13. *Nullae. Fabr. nullaeque.* Et in fine cap. *intenti*
 pro *interriti*.

C A P U T V.

Adjice. Fabr. adjicite. Sed formula solennis haec est
 apud Senecam, ubi novam afferre rationem incipit, *ad-*
jice nunc, quod, veluti de Const. Sap. IX, 2, de Ot. Sap.
XXXII, 17, de Vita beat. VII, 1, Epist. LXXIII. Itaque
 vitiosum etiam videtur *addite*, quod h. l. legitur in *Se-*
necae Opusc. philos. select. minor. ex officina Joannis MatrH.
Quod

num quemque, ut ita dicam, militare, et edere operas. Hoc est propositum Deo., quod sapienti viro, ostendere haec, quae vulgus appetit, quae reformidat, nec bona esse, nec mala: apparebunt autem bona esse, si illa non nisi bonis viris tribuerit; et mala esse, si malis tantum irrogaverit. Detestabilis erit caecitas, si nemo oculos perdidit, nisi cui eruendi sunt. Itaque careant luce Appius et Metellus. Non sunt divitiae bonum. Itaque habeat illas et Ellius leno: ut homines pecuniam cum in templis consecraverint, videant et in fornice. Nullo modo magis potest Deus concupita traducere, quam si illa ad turpissimos defert, ab optimis abigit. „ At iniquum est, bonum virum debilitari, „ aut configi, aut alligari; malos integris corporibus „ bus solutos ac delicatos incedere.” Quid porro? non est iniquum, fortes viros arma sumere, et in castris pernoctare, et pro vallo obligatis stare vulneribus: interim in urbe securos esse, percisos et professos impudicitiam? Quid porro? non est iniquum-

Quod, quasi esset ut, intellexisse videtur librarius, qui in Fabr. posuit quod sap. viro ostenderes.

Reform. Idem reformidat.

a. Ad turp. Idem turpissimus sine ad. Et mox virum bonum pro bonum virum.

Configi. in cruce clavis, ut Lips. explicat probante Rubkopffio. Schott. constringi, quod ex ingenio Mpreti fluxisse putat Lips. Arm. confringi.

quum, nobilissimas virgines ad sacra facienda noetibus excitari, altissimo somno inquinatas frui? Labor optimos citat. Senatus per totum diem saepe consulitur, cum illo tempore vilissimus quisque, aut in campo otium suum oblectet, aut in popina lateat, aut tempus in aliquo circulo terat. Idem in hac magna republica fit: boni viri laborant, impendunt, impenduntur, et volentes quidem: non trahuntur a fortuna, sequuntur illam, et aequant
 4 gradus. si scissent, antecessissent. Hanc quoque animosam Demetrii fortissimi viri vocem audisse memini: „Hoc unum,” inquit, „Dii immortales, „de vobis queri possum, quod non ante mihi voluntatem vestram notam fecistis. Prior enim ad „ista venissem, ad quae nunc vocatus adsum. Vultis aliquam partem corporis? sumite. Non mag- „nam rem promitto. cito totum relinquam. Vultis „spiritum? Quidni? nullam moram faciam, quo „minus recipiatis, quod dedistis. a volente feretis, „quidquid petieritis. Quid ergo est? maluissem offerre, quam tradere. Quid opus fuit auferre? ac- „ci-

3. *Frut. deest Fabr.*

4. *Dii imm. de vob. Fabr. ordine minus, ut videtur elegantius: de vob. Dii imm. Arn. vobis omisit.*

Adsum Fabr. et Schott. assum.

Illos vob. Hic item Fabr. vob. ill. Vulgata magis placet. Arn. offero pro sustulit.

Sumite Fabr. sumito.

Re.

„cipere potuistis. Sed ne nunc quidem auferetis :
 „quia nihil eripitur, nisi retinenti. Nihil cogor,
 „nihil patior invitus, nec servio Deo. sed assen-
 „tio : eo quidem magis, quod scio omnia certâ et
 5 „in aeternum dictâ lege decurrere.” Fata nos du-
 cunt, et quantum cuique restet, prima nascentium
 hora disposuit. Causa pendet ex causa, privata ac
 publica longus ordo rerum trahit. Ideo fortiter
 omne ferendum est: quia non, ut putamus, inci-
 dunt cuncta, sed veniunt. Olim constitutum est,
 quid gaudeas, quid fleas: et quamvis magna videat-
 ur varietate singulorum vita distingui, summa in
 6 unum venit: accepimus peritura perituri. Quid ita
 indignamur? quid querimus? ad hoc parati sumus.
 Utatur, ut vult, suis natura corporibus: nos laeti ad
 omnia et fortes cogitemus, nihil perire de nostro.
 Quid est boni viri? praebere se fato. Grande sola-
 tium

Retinenti. Trillerus *Observ. p. 140.* ἐμφοτικώτατον
 esse putat *renitenti*. Imo major mihi videtur in altero
 vis esse, *renitenti*: at, inquit philosophus, ego ne re-
 tineo quidem, libens trado.

Assentio. Saepius hac verbi forma Noster utitur, ut
Nat. Q. III, 15, 2. Fabr. *assentior*.

5. *Quantum cuique.* Fabr. addit *temporis*. Idem in suo
 libro Lips. invenit: commode tamen intelligitur.

6. *Quid ita.* Fabr. *quid itaque*, sed illud eandem sere
 vim habet, et cum Graeco τί ἔτιᾱ convenit: habuimus
 hujus libri init. *ad o. e. fortes.* Fabr. *et f. a. omnia*; mi-
 nus oratorie. Similiter mox *jussit post mori* ponit.

tum est, cum universo rapi. Quidquid est quod nos sic vivere iussit, sic mori: eadem necessitate et Deos alligat. irrevocabilis humana pariter ac Divina cursus vehit. Ille ipse omnium conditor ac rector scripsit quidem fata, sed sequitur: semper paret, 7 semel iussit. „ Quare tamen Deus tam iniquus „ in distributione fati fuit, ut bonis viris paupertas „ tem, vulnera, et acerba funera adscriberet? ” Non potest artifex mutare materiem: haec passa est. Quaedam separari a quibusdam non possunt, cohaerent, individua sunt. Languida ingenia, et in somnum itura, aut in vigiliam somno simillimam, interitibus nectuntur elementis: ut efficiatur vir cum cura dicendus, fortiore fato opus est. Non erit illi planum iter: sursum oportet ac deorsum eat, fluctuetur, ac navigium in turbido regat. contra fortunam 8 illi tenendus est cursus. Multa accidunt dura, aspera, sed quae molliat et complanet ipse. Ignis aurum

8. *Haec passa est.* „ Materiam passa est, ut formaretur in id, quod fieri potuit. ” Ita Ruhk. Fabr. *hoc passa est.*

Dicendus. Arn. *dicens.* Illa vero dictione saepius utitur, ut de *Tranq. An.* XIV, 6. et de *Benef.* IV, 1. ubi Sallustium ejus auctorem laudat.

8. *Molliat.* Fabr. *molliant.* Mox *sciens pro scies.* *Ascendere an escendere* singulis locis legendum sit, difficile est ad definiendum: quis dicat, an utrumque formam Seneca usurpaverit? Ruhkopfium in his secutus sum.
H.

rum probat, miseria fortes viros. Vide quam alte ascendere debeat virtus: scies illi non per segura vadendum esse.

*Ardua prima via est, et qua vix mane recentes
Enitantur equi: medio est altissima coelo:
Unde mare et terras ipsi mihi saepe videre
Fit timor, et pavida trepidat formidine pectus.
Ultima prona via est, et eget moderamine certo.
Tunc etiam, quae me subjectis excipit undis,
Ne ferar in praeceps, Tethys solet ipsa vereri.*
Haec quum audisset ille generosus adolescens,
„Placet,” inquit, „via. escendo. est tanti per
„ista ire casuro.” Non desinit acrem animum ter-
ritare:

*Utque viam teneas, nulloque errore traharis,
Per tamen adversi gradieris cornua Tauri,
Aemoniosque arcus, violentique pra Leonis.*

Post haec ait: Junge datos currus! his quibus de-
ter-

Hoc loco Gron. edidit *escendere*, cui favet vitiosa Fabr. lectio *extendere*.

Enitantur. Fabr. et editt. ante Ruhk. *enituntur*. Hic dedit, ut est in Ovidio (*Metam.* II, 63. sqq.)

Fit. Fabr. *sit*, solenni confusione. Mox idem *pavidi*, quod est quidem elegans; in Ovid. tamen *pavida* legitur. Pro *ipsa* Fabr. *una*.

9. *Per ista ire casuro*, i. e. quamvis cadendum mihi sit, hoc non curo, dummodo per ista incedam. Loco non intellecto Fabr. habet *pro ista re cas*.

Junge datos currus. Cum Ovid. vs. 79. Solem dicen-

terreri me putas, incitor: libet illic stare, ubi ipse sol trepidat. humilis et inertis est, tuta sectari: per alta virtus it.

VI. „ Quare tamen bonis viris patitur aliquid „ mali Deus fieri? ” ille vero non patitur. Omnia mala ab illis removet, scelera et flagitia, et cogitationes improbas, et avida consilia, et libidinem caecam, et alieno imminentem avaritiam: ipsos tuetur ac vindicat. Numquid hoc quoque a Deo aliquis exigit, ut bonorum virorum etiam sarcinas servet? remittunt ipsi hanc Deo curam: externa contemnunt. Democritus divitias projecit, onus illas bonae mentis existimans: quid ergo miraris, si id Deus bono accidere patitur, quod vir bonus aliquando vult sibi accidere? „ Filios amittunt viri boni.” quidni, cum aliquando et ipsi occidant? „ In exilium mittuntur.” quidni,

cum tam faciat *Finge datos curros*, illa *I. d. c.* Muret. omittit. Sed recte observare videtur Lips. liberum Senecae fuisse, ea leviter immutare. ut Phaëtoni convenirent.

Sectari. Elegantem habet Arn. lectionem *secare*, quae fere videri possit in textum esse recipienda. Sed fortasse in illis *tuto sectari* expressit *Horat. A. P. 26. lenia sectari.*

C A P U T VI.

Removet. Fabr. *removes*, quod ortum videtur e *sq. tuetur ac vind.* Hic tamen perf. malim.

Bono. Non opus videtur addere *viro* cum Fabr. qui mox omittit *viri.*

2. *Et ipsi.* desunt apud Arn.

In. Huic voci Fabr. praefigit *et* contra Senecae in his consuetudinem.

cum aliquando ipsi patriam non repetituri relinquunt? „Occiduntur.” quidni, cuum aliquando ipsi sibi manus afferant? „Quare quaedam dura „patiuntur?” ut alios pati doceant: nati sunt in
 3 exemplar. Puta itaque Deum dicere: „Quid ha-
 „betis, quod de me queri possitis vos, quibus recta placuerunt? Aliis bona falsa circumdedi, et animos inanes velut longo fallacique somnio lusi, auro illos argento et ebore ornavi: intus boni nihil est. Isti, quos pro felicibus aspiciatis, si non, qua occurrunt; sed qua latent, videritis, miseri sunt, sordidi, turpes, ad similitudinem parietum suorum extrinsecus culti. Non est ista solida et sincera felicitas: crusta est, et quidem tenuis.
 4 Itaque dum illis licet stare, et ad arbitrium suum ostendi, nitent et imponunt: quum aliquid incidit, quod disturbet ac detegat, tunc apparet, quantum altae ac verae foeditatis alienus splendor absconderit. Vobis dedi bona certa, mansura: quanto magis versaveritis, et undique inspexeritis, meliora maioraque. Permissi vobis, metuenda con-
 tem

Sibi manus. Fabr. inverso ordine, ut supra III. 12.

3. *Longo fall.* Fabr. *longuo facillique.* Mox et *argento.* Orn. Fabr. *adornavi.* Et mox *currunt* pro *occurrunt.*

4. *Vers. et und. insp.* Fabr. *versaverit aliquis et undique inspexerit.* Pulchrius illud videtur.

temnere, cupiditates fastidire; non fulgetis extrinsecus: bona vestra introrsus obversa sunt. Sic mundus exteriora contempsit, spectaculo sui laetus. Intus omne posui bonum: non egere felicitate, 5 felicitas vestra est. „At multa incidunt tristia, „horrenda, dura toleratu!” Quia non poteram vos istis subducere, animos vestros adversus omnia armavi. Ferte fortiter: hoc est, quo Deum anteceditis. ille extra patientiam malorum est, vos supra patientiam. Contemnite paupertatem: nemo tam pauper vivit, quam natus est. Contemnite dolorem: aut solvetur, aut solvet. Contemnite fortunam: nullum illi telum, quo feriret animum, dedi. Contemnite mortem: quae vos 6 aut finit, aut transfert. Ante omnia cavi, ne quis vos teneret invitos, patet exitus. Si pugnare non vultis, licet fugere. Ideoque ex omnibus rebus, quas esse vobis necessarias volui, nihil feci facilius, quam mori. Prono animam loco posui: trahitur. Attendite modo, et videbitis, quam brevis ad liberta-

Cupid. Ita quoque Gron. et Fabr. Nesciam tamen, an melior sit lectio, quam Schottus et Lips. habent *cupienda*.

5. *Quia.* Fabr. *quare.* Contra quam supra IV, 8.

Est. Idem *ut.* Praeferam indicativum, ut iam verbis *hoc est*, comparatio bonorum cum Deo incipiat.

Contemn. fort. — *Aut transfert.* Locus in Fabr. sic transpositus legitur: *Contemn. mortem, quae aut finit aut transferet vos. Contemn. fort.* — *dedi.*

6. *Cavi.* exquisitius, quam quod Arn. habet *curavi.*

Attend. Fabr. *Antecedite.*

tatem, et quam expedita ducat via. Non tam longas in exitu vobis, quam intransitibus, moras posui: alioqui magnum in vos regnum fortuna tenuisset, si homo tam tarde moreretur, quam nascitur. Omne tempus, omnis vos locus doceat, quam facile sit renuntiare naturae, et munus suum illi impingere. Inter ipsa altaria et solemnes sacrificantium ritus, dum optatur vita, mortem condiscite. Corpora opima taurorum exiguo concidunt vulnere, et magnarum virium animalia humanae manus ictus impellit. tenui ferro commissura cervicis abrumpitur: et quum articulus ille, qui caput collumque connectit, incisus est, tanta illa moles 8 corrui. Non in alto latet spiritus, nec utique ferro eruendus est: non sunt vulnere impresso penitus scrutanda praecordia: in proximo mors est. Non certum ad hos ictus destinavi locum: quacunque pervium est. Ipsum illud quod vocatur

7. *Abrump.* Idem *adrumpitur.*

Conn. Ita Gron. Non tamen spernenda videtur antiqua lectio, quam tuetur et Fabr. *committit*, i. e. conjungit, unde *commissura* dicitur. Seneca verbum hoc eo sensu ponit etiam *Nat. Q.* II, 2, 2, ubi discrimen inter *commissum* et *continuum* exponit.

8. *Impr. p. scr.* Melliora videntur, quam quae Fabr. habet *penitus impresso scrutata.*

Destinavi. Idem *extimavi.* Voci *perv.* praefigit *in.* Pro *brevius* habet *brevis*, et omittit *ut.*

tur mori, quo anima discedit a corpore, brevius est, quam ut sentiri tanta velocitas possit. Sive fauces nodus elisit; sive spiramentum aqua praecludit; sive in caput lapsos subjacentis soli duritia comminuit; sive haustus ignis cursum animae remeantis interscidit: quidquid est, properat. Ecquid erubescitis? quod tam cito fit, timetis diu?

Nodus. non intellectum in Fabr. dedit *modus*. Mox pro *Lapsus* legitur *Lapsa*.

T H E S E S.

I.

Cicero, licet in libris de philosophia maxime Graecorum sententias illustraverit, jure tamen dici potest philosophus.

II.

Dialogi, qui *Cicronis de Oratore* libris continentur, non vere sunt habiti, sed ab eo conficti.

III.

III.

Praeclaræ illæ, quæ in Seneca leguntur, sententiæ, potius e philosophia Stoica ipsiusque ingenio felici, quam e Christiana Religione repetendæ sunt.

IV.

Erasmio tamen assentior, tantum abesse, ut hoc statuendo quidquam de librorum ejus utilitate detrahatur, ut ita majore etiam cum fructu legi possint.

V.

Non satis graves esse causæ videntur, quare *Consolationem ad Polybium* Senecæ abjudicemus.

VI.

Quod apud *Senecam. de Benef.* VI. 41. in his: „Nemo enim libenter reddit, quod invitus debet,” Henr. Stephanus (*Epist. ad Dalcchamp. p. 61*) inseri vult nisi ante *quod*, id neque necessarium et a sententia scriptoris alienum videtur.

VII.

V I I.

Senecae *de Providentia* librum integrum ad nos
pervenisse defendimus.

V I I I.

Ex historia gentium ita demum optimus fructus
percipi videtur, si Divinam in ea Providentiam ob-
serves.

I X.

Romanorum dominandi cupiditas quantumvis mali
attulerit, hanc tamen habuit utilitatem, quod diver-
sis gentibus inter se conjunctis faciliorem effecerit
Religionis Christianae propagationem.

X.

Romani in scribendo multum curasse videntur
euphoniā et pronuntiandi facilitatem; cujus rei mag-
na nobis habenda est ratio, ubi de Latinae vocis
scriptione dubitatur.

K


X I.


X I.

De accentibus in lingua Græcâ defendo Valckenærii judicium (*Diatr. Eurip. p. 247*): „Accentibus, quam occupant, sede relictis, sic tamē statuo, ne unicum quidem versum Poëtae, et ne unicam quidem Oratoris periodum legi debere secundum accentus.”

X I I.

Mythologiae veteris usum in hodiernis gravioris argumenti carminibus dignitati et pulchritudini magis obesse, quam prodesse judicamus.







14 DAY USE
RETURN TO DESK FROM WHICH BORROWED
LOAN DEPT.

This book is due on the last date stamped below, or
on the date to which renewed.
Renewed books are subject to immediate recall.

8 Jun 65 SU

REC'D LD

MAY 27 '65 - 10 AM

LD 21A-60m-3,'65
(F2336s10)476B

General Library
University of California
Berkeley

YB 41466

500512

UNIVERSITY OF CALIFORNIA LIBRARY

